


續文獻通考


百廿一之四





漢書門			
二	四	三	一
八	一	三	一
冊	架	函	號

內閣文庫			
五	二	四	漢
八	一	三	書
架	冊	號	類

內閣文庫	
番號	漢 2431
冊數	81 (60)
函號	294 13





續文獻通考卷之一百八十一

淺草六庫

皇明進士雲間王圻纂輯

經籍考 集中

遼

清寧集 道宗製耶律良編集

閩苑集 平王隆先著隆先字團隱讓國皇帝子聰明博

學能詩

西亭集 蕭資忠著聖宗時使高麗留不遣每憶君親輒

有著述號西亭集

寶老集 蕭孝穆著為北院樞密使時稱為國寶臣文人

因目其集曰寶老

續文獻通考卷之一百八十一

三百八

蘇

登瀛集 楊佶著佶字正叔南京人幼穎悟讀書自能成句仕終吏部尚書兼門下侍郎同中書門下平章事

命

蒙城集 高士談著燕人家富圖籍與宇文虛中友愛

樂善居士文集 世宗子豫王永成著

弘道集六卷 徒單鑑著鑑上京人大定九年進士及第

官至左丞相嘗嘆文士委頓雖巧拙不同要以仁義道

德為本乃著學之急道之要二篇太學諸生刻于石

狂愚集二十卷 絳州正平李愈著愈中正隆五年詞賦

進士官知河中府致仕

虛舟居士集 孫鐸著孫鐸字振之滕州人大定進士

為臺諫亢直貞祐初遷孟州防禦使

天倪集 李獻甫著獻甫字欽用獻能從弟興定五年進

士累官鎮南軍節度使死于蔡州之難

東山集十卷 吳激著激字彥高建州人宋米芾婿也將

宋命至金以知名留不遣為翰林學士皇統二年出知

深州卒集名東山因其號也

玉峯散人集 趙可著可字獻之高平人貞元二年進士

仕至翰林直學士

崑崙集 郭長倩著長倩字曼卿文登人中皇統經義乙

科官秘書少監兼修起居注撰石決明傳時輩稱之

黃山集 趙風著風文儒東平人大定二十二年進士仕

續文獻通考

四百四錄

至禮部郎中自號黃山性冲澹學道有所得其篆書配
党懷英時人號曰党趙

蔡正甫文集五十五卷 真定蔡珪著

楊之美文集 楊雲翼著之美其字也

溢水集三十卷 趙秉文著為文長于辯析極所欲言不
以繩墨拘七言古詩筆勢縱放律詩壯麗小詩精絕五
言古詩沉鬱頓挫夏人恒問秉文及王庭筠起居狀為
四方所重如此

王翰林文集四十卷 河東王庭筠著

遼門集 劉復益著字雲卿渾源人大安中進士累官監
察御史博文強記精于經學文甚工詩尤長于五言

青漳集 呂宗孚著字信臣南宮人與蒲城張建皆知
名

卷瀾集二卷 曹班著

蘭泉老人集 章建著建字吉甫蒲城人明昌初授絳州
教官召為應奉翰林文字改授華州同知防禦使自號

蘭泉老人

慵夫集 潭南遺老集 王若虛著若虛字從之藁城人

承安二年經義進士累官直學士

東巖集三卷 元德明著德明太原秀容人放浪山水

元裕之中州文集 元好問著好問字裕之德明子七歲
能詩仕至行尚書省左司員外郎金亡不仕

張叔甫文章十五卷 張行簡著行簡字叔甫日照人太

定中進士第一官至銀青榮祿大夫與貢舉進士

復軒集 閻詠著

元

自然機籟 鄭東起著起福清人居教授常百餘人

海西先生集 郭陸著陸字德基長樂人至元中授泉山

書院山長文不刻鑿以為異詩不琢鏤以為工

江西老圃集 安福周南瑞著時好爛腐之文瑞獨銳意

古學與吳徵相友善多所講辨

草堂文集 王選著

吳吾齋類稿 臨川吳章著

解園集 蜀任詔著築圃曰解園建堂曰高風因以名稿

元喆文集十卷 金憲裕葛元喆著

鳴陽集若干卷 金谿朱夏著夏遊草廬先生門杜門積

學為文不及于古不止

瓜園集 臨川黎仲基著

雪樓文集 程鉅夫著鉅夫南城人世祖時為翰林學士

承旨卒謚文憲追封楚國公雪樓其號也

效古集 張立道著立道其先陳留人後徙大名事世祖

累官至雲南參政所著又有平蜀總論等書

杜瑛文集十卷 瑛字文玉金末由霸州避地河南緱氏

山中術者言其所居下有藏金家人欲發視輒止之後

居者果得黃金百斤其不苟取如此徵辟皆辭不就

白雲藁 南豐趙崇璠著

奎光集 樂安詹從朴著

拙齋集 鄱陽周應極著

小孤山人集 林全著全字子貞福州人公遇之子與弟

合俱有隱操

小溪集 丁巖著巖自號小溪因以名稿

潛立稿三十卷 真定王鈞著

補暇集 宋軫著

悅堂文集 長溪楊楫著

敬齋文集 壁書叢削 古今難測 圓鏡海 益古術

樂城李治著治金末進士元世祖召為學士

節齋集 寧晉李佑著

張公文集十卷 要言一卷 藁城張延著

劉敏中中菴集二十五卷 敏中章丘人至元中為監祭

御史累遷翰林學士承旨

詹公文集三十卷 真定詹思著至元中為江東廉訪副

使謚文孝

困學齋集 鮮于樞著樞漁陽人官至太常典簿能詩文

尤精書翰虞集嘗云大德延佑間漁陽吳興巴西翰墨

擅一代謂鮮于樞趙孟頫鄧文原也

經濟集 李士瞻著士瞻東安人為翰林學士承旨嘗使

閩諭海賊出降

一山文集 李守成著即士瞻之子官至翰林檢討河朔學者多師之

淡庵集 華亭高子鳳著

鳴琴集 陳天錫著天錫字載之福寧人以文學薦授本州學正後知福清州早年致仕壽八十終

劉太保文集十卷 劉秉忠著邢臺人遁迹浮屠博學多才元世祖召見留置左右官太保卒贈常山王謚文正

滋溪文集 真定蘇天爵著

東庵類稿 安喜滕安上著吳澄序曰根之以義理翼之以英華信乎有學行者之言也

河東文集五十卷 高鳴著鳴真定人元世祖召拜翰林

學士憫其年老有大政就問之

王結文集十五卷 結易州定興人出處見易說下

郝陵川文集 郝經著

潭川文集若干卷 真定楊俊民著

默菴文集十卷 藁城安鼎著

空谷樵音 無極何體仁著

牧庵集 柳城姚燧著

疎齋集 盧摯著摯涿州人仕至翰林學士元初稱能詩

至治集 宋本著大都人至治初進士第一官集賢學士

燕石集 宋聚著本之弟泰定初進士官翰林學士

鳩巢集 李京著京河間人為烏撒烏蒙道宣慰副使周

履雲南又嘗為雲南誌

霜月集 楊剛中著剛中上元人為文哥與簡澁動法古

人元明善極嘆異之累官翰林待制

秋浦集 楊少愚著

彞齋文集 商挺著濟陰人工詩善隸又著詩千餘篇

果齋文集 李之紹著東平平陰人家貧教授學者咸集

元末以薦授國史編修遷翰林侍講學士自號果齋

超然集四十卷 曹元用著元用汶上人資直俊爽書過

目輒成誦為禮部主事陸翰林學士

許魯齋文集 許衡著

清軒集五十卷 閻復著復高唐人王盤薦為翰林應奉

累官翰林學士承旨

瀛州集百餘卷 徐世隆著世隆西華人金進士後召為

翰林進賢學士以疾辭

秋澗集百餘卷 王惲著惲汲縣人博學有俊才舉進士

官至翰林學士承旨

還山集 楊奐著奐奉元人元初隱居鄆縣講道授徒學

者稱為紫陽先生

勤齋文集 簫軒著集有前後

貢公文集 貢師泰著

大隱集 楊大雅著

續文獻通考 卷之三百十一

二

二

陸氏集 陸滋著

毅齋存稿 王洪著

渠庵集二十卷 童恕著恕奉元人博學能文學無不該

仁山文集 金履祥著

淵穎集十卷 吳萊著又集六十卷

瓦缶編類 樂齋稿 石塘文集 胡長孺著長孺永康

人為光明宏偉博學多文海內購其辭章者如獲拱

璧

雲槎集 吳復著

餘留稿 夏正著

柳氏雜著書文一十五卷 文集四十卷 柳貫著

飛霞觀稿 陳樵著

所性稿 時少童著

吳公文集二十卷 吳師道著

顛庵下筆三卷 詩文雜著總二十一卷 黃叔英著叔英

字彥實文潔先生孫登宋文天祥榜進士入元為晉陵

宣城蕪湖三學教諭又為和端采石兩書院山長

日損齋稿三十三卷 文獻公集若干卷 黃潛著

元龍遺稿 朱元龍著

倉鳴集 胡滅著

存雅堂集 方鳳著

玉溪集 王霆著 浙人

卷之三十一

齊城集 吳暉著

五峯文集二十卷 李孝光著

穀城藁 黃宏著 浙人

栗齋文集 林温著

草堂集 林逢龍著

白雲翁集 管師復著

金臺集 海雲長嘯集 馬易之著

九靈山房文集 戴良著

惺軒集三十卷 耶律希亮著 希亮楚材孫武宗時官翰

林學士承旨兼修國史以職史官類次嘉言善行以進

居朝稿 明農稿 汪文璟著 文璟常山人泰定初進士

累官廉訪副使以國難憂憤不食卒

清名居士集 袁楠著

一瓢稿 翁森著 森仙居人隱居教授從遊者八百餘人

紫巖稿十餘卷 周順祖著 順祖臨海人精性理之學

知非堂集 何中著 中字太虛撫之樂安人其學宏深該

博元至順初江西行省聘為龍興郡學師

虞邵庵仁壽錄一百卷 虞集著 集臨川人三歲即知讀

書稍長從吳澄遊歷官翰林學士兼國子祭酒平生詩

文殆萬餘篇存稿有道園學古錄應制十二卷在朝二

十四卷歸田三十六卷方外八卷門人彙而鈔之

衍桂堂集若干卷 鄭奕夫著 清之曾孫號習齋先生

水雲集 武恪著恪宣德府人遊學江南吳澄薦入國學
桂隱集 劉詵著詵廬陵人幼失父年十二能文章爲文
根抵六經躡轢諸子百家融液今古而不露其踔厲迅
發之狀自號桂隱

求齋文集三十三卷 鄭覺民著覺民字以道號求齋鄆
人芳叔子有孝行以遺逸徵署婺處二州教授以疾卒
遂初集三十卷 王厚孫著厚孫字叔戴鄆人八歲能詩
十歲能詞賦爲文不事雕飾授象山教諭調浦江南闕
月即歸養自號遂初老人

書林外集 袁士元著士元字彥章鄆人鏞之孫至正間
以薦授文林郎翰林國史院檢閱官引年弗就

廬居士集 鄆縣史公珽著

盤溪稿 井研李孟傳著

鐵厓文集 諸暨楊維禎著

自鳴集 鳴陽稿 徐蘭著

覺非集 金寔著

方氏詩文集十一卷 方有開著

洪氏集 洪慶炎著

靜軒集 胡朝穎著

鳳山集 吳人龍著

玉華集 何逢原著

吳公集 吳均著

敖繼翁集 繼翁福建人寓居湖州趙孟頫嘗師事之

新山稿 曹文海著

得靜稿 許嗣著

北源先生文集 海陽李闢著

圭齋文集 歐陽玄著玄瀏陽人八歲即知屬文舉進士

歷國子祭酒文章道德卓然名世

龍溪時集 支渭興著渭興長寧人至順初進士官奉訓

大夫四川行省叅政善屬文別號龍溪

起興集 陳自新著自新寧德人博學通五經從遊甚衆

行餘全集 宜陽令鄭以道著以道嘗為廣右憲史以一

檄諭徭人數千出降後復以一檄諭西江岑黃獠出降

歐陽南翁文集 南翁圭齋族兄圭齋稱其文蘊靜醇雅

中齋文集 陳信惠著信惠字孚中晉江人初試有司不

利後以才能應帥府辟仕終惠安尹自號退翁

安雅堂集 陳旅著旅莆田人學有淵源聞見該博為文

純潔高古深為虞集所知仕終國子監丞

征行集 段信苴福大理僂人思平之後從主興智入覲

獻地圖條奏治民立賦法又率僂軍二萬導元將兀

良哈台平諸郡降交趾集名征行皆其道里時所作也

漢泉漫稿三卷 詩文三卷 曹伯啓著伯啓碭山人弱

冠從東平李謙遊篤於問學累官集賢學士

東岡小稿 許熙載著熙載湯陰人博古通今事母以孝

續文獻通考 卷之三百十一

三百一十一

三百一十一

聞嘗開義學以教鄉人

黜醜稿 朱南強著

習皮稿 豐城黃竑著竑疇若曾孫也

梧溪集 王逢著

鳳山集 安溪楊景申著

王思廉文集

紫山集 胡特著

杜秉彝文集四十卷 秉彝安陽人仕元為集賢大學士

成遵文集 遵鄧州穰人虞集一見稱曰適觀生文今見

生貌公輔器也累官尚書左丞

王儀文集 儀鄧州人累官至西臺御史

南陽文集六十卷 李木魯翀著魯翀蒙古人居鄧州官

至集賢學士禮部尚書浙江行省叅政

經濟集 李士瞻著士瞻字彥文荆門人官至榮祿大夫

翰林承旨

鷄肋集 楊丹著丹字梓夫慈利人居彌勒山讀書登進

士待制翰林院

王彥高文集 昆明王昇著

歸田類藁 張養浩著

蓬窓集 益齋旅齋二集 歷城張範著範起巖之父

華峯類稿漫稿金陵集 張起巖著起巖章丘人延佑中

進士第

倉崖類稿金石例 潘昂霄著昂霄濟南人號蒼崖雄文

博學為時推重

小亭集 楊弘道著

弁山集 知非藁 定海黃圻著

李涇文集四十卷 涇字宗朝滕州人文宗時預修經世

大典除翰林直學士

澹軒文集數卷 康暉著

怡軒文集 蓬萊王華著號怡軒因以名集

忍齋稿 釋奠通禮書汴人申屠致遠著平生聚書萬卷

名曰墨莊

應物集十卷 王鶚著

張伯淳文集 伯淳浙人

于師魯文集六十八卷 括蒼劉誠意曰師魯歷官尚書

生於至元間仁宗皇帝首開科舉即以其年登第其為

文有中和正大之音無纖巧萋靡之習春容而紆餘衍

迤而宏肆不極于理不止粹乎其為言也

季山甫文集若干卷 括蒼劉氏曰山甫同郡人屢試不

偶所為詩文銘記論贊序說體格嚴正文詞典雅

圭峯集六本續集二本 盧畸著畸惠安人至正初進士

調寧德尹

青陽集 余闕著闕合肥人天資英邁博學能文至順中

進士擢翰林應奉後死節于安慶

傲軒集 胡天游著平江人名乘龍以字行七歲能詩博學高志遭元季亂抗志不仕意有所激悉于詩文發之三溪集 龍溪林廣著廣天性嗜學以詩禮訓家庭至正間郡學辟為諸生師部使者薦為安溪教官合邑官僚以師事之

希遠集 茶陵李祁著祁元末進士為遼陽儒學提舉國亡不仕自號危行老人又有雲陽集疑即此

存存子秋聲集十卷 黃鎮成著鎮成邵武人 易齋黃鶴磯碧玉環龍川勤川環中諸稿 元雷樞著樞

字子樞建安人延佑戊午進士仕終翰林待制 樞水詩文集 黃清老著字子肅邵武人泰定時浙江鄉

試第一擢進士第為湖廣行省儒學提舉號樞水先生

貞白英華集 王原傑著原傑吳江人至正中領鄉薦兵亂不仕

至正集一百卷 許有壬著有壬湯陰人讀書一目五行延佑中進士累官中書左丞

東遊集 括蒼劉氏曰豫章鄭士亨著 觀海集 括蒼劉氏曰桐江章正則著正則好學能文

雲濤萃集 括蒼劉氏曰濮陽吳孟思著自號雲濤散人 少好學工翰墨精篆隸

朱葵山文集 宋景濂曰莆田朱文憲著其言醇而理彰于理不合雖強之言不言也

桂隱遺文一十二篇拾遺六篇 桂夢炎著夢炎字子暘

烏傷人曾孫翰林學士文獻公潛追念先澤墮逸手錄
成編

烏繼善文集 宋景濂曰繼善名期道號草堂先生慈谿
人為文峻潔如明月珠起伏如春江濤

白湛淵詩二十卷文二十卷經子類訓二十卷集翠裘二

十卷靜語二十卷 宋景濂曰構李湛淵先生白挺著

挺字廷玉自幼至老無日廢問學故能長于詩文不為
雕刻苛碎不惟極塵外之趣兼有雲山韶濩之音

守齋類稿三十卷 顧潤著潤字德輝鄞人幼以神童貢

不果志在立言著釋圖一說約六十三圖徽二十一希

言二十四事剡六十二治要十八體卦八解八辯十二

議二十四傳七記論序文銘各三雜著十八賦六騷十

九雜詩三百二十一合三十卷分為前後外三集通名

守齋類稿宋景濂稱其近古之立言者

芳州文集若干卷 元秘書著作佐郎蕭雷龍著藏于家

吳濰州文集 宋景濂曰青田吳復德幼抱逸才下筆飄

飄有奇氣長取馬班二家書玩繹此編勁硬奇峭澤媚

山輝蓋善學遷固者

鄭氏連璧集一十四卷 鄭思先曰伯父杲齋諱東字季

明文百篇古今詩四百八十首先君曲全諱采字季亮

文三百篇詩百篇合寫成書鐫梓以行

春谷文集若干卷 婺州路儒學教授季仁壽著

中鵠汲清二集合 泰和劉鏐著

舊雨集五十卷 宋景濂曰熊本著虞公為之序謂其雜

著本理而敷暢典雅而不阿人以為實錄

唯庭稿 宋景濂曰新塗魯順自號唯庭因以名其詩文

順為文不務鈎章棘句一以理勝

巢深燕山宛陵三稿 宋景濂曰宛陵王先生澤民著文

不事綺章繪句而義理自足詩清婉有魏晉風

昌雱集 雱都劉君賢著

柅山集十卷 宋道著道中統開翰林修撰遷太子賓客

拙庵集 王士元著史稱文學政事皆可師法

康莊文集 王泰亨著

鳳山集 廬陵歐陽弇著

容齋文集 安福劉聞著

雪磯集 孫庚著庚字居仁慈谿人刻苦磨礪夜坐達旦

及門若桂彦良王桓陳恭皆名士也

續文獻通考卷之一百八十一終

續獻通考卷之一百八十二

皇明進士雲間王圻纂輯

經籍考 集下

皇明

高皇帝御製文集 末樂元年 命禮部遣監生三十餘

人分詣天下採 高皇帝詩文書翰錄成

火警或問 嘉靖十年 御製

皇史宬記 嘉靖十六年 御製 賜群臣

明堂或問 嘉靖十七年 御製

談藝錄 新倩籍 文集六卷 俱吳縣徐禎卿著弘治

乙丑進士官國子博士

續文獻通考 卷之二百八十二

三百七 王成

困志集 浙江樂清章綸著官南禮侍郎

真西山讀書記 伊洛淵源續錄 四子擇言 桃溪集

總山集 論諫錄 惶忱稿 級綆餘誠 俱謝鐸

著鐸字鳴治號方石浙江太平人官禮部右侍郎

程篁墩集 篁墩續稿 宋逸民錄十五卷 行素稿

程氏紀宗譜 程氏貽範集 篁墩新稿 蘇氏檣柁

真文忠公新經註三卷 迎賢奏對錄 道一編六

卷 俱程敏政著敏政字以勤休寧人官太常卿先以

神童薦登成化丙戌進士

懷麓堂稿 擬古樂府 茶陵李東陽著字賓之以神童

薦登景泰甲申進士官柱國少師

椒丘稿 廣昌何喬新著字廷秀文淵子登 景泰甲戌

進士刑部尚書

瓊臺類稿 瓊臺集 瓊山丘濬著字仲深登 景泰甲

戌進士武英殿學士

葵庵集 長洲吳寬著字原博登 成化壬辰第一禮部

尚書

震澤先生文集 震澤長語 震澤編 吳縣王鏊著字

濟之登 成化乙未進士第一官大學士

上谷稿 玉堂前後稿 歸山稿 南宮稿 上元倪岳

著岳字舜咨登 天順甲申庶吉士吏部尚書

見庵集 福建寧德林聰著

青陽文集 元末余闕著 洪武中刊行

中澹集 安福劉宣著

覆瓿集 寫情集 梨眉公集 誠意伯集 郁離子

青田劉基著字伯溫國初封誠意伯

西隱集 滑縣宋訥著 洪武中祭酒

南宮集 成均稿 玉堂稿 金谿吳伯宗著名祐以字

行 洪武辛亥狀元官司業

遜志齋集四十卷 雜誠二十八章 宗儀九篇 侯城

集 臨海方希古著侯城集乃王餘所輯正學遺文

述虛子集 長洲姚廣孝著封榮國公

大寧齋目錄 西原集 薛孝功集 薛惠著亳州人號

西原仕考功郎 嘉靖中議禮罷歸

陽明時習錄 陽明傳習錄 陽明則言 王文成公全

書 正德中王文成公守仁著餘姚人

居業錄 敬齋集 成化中餘干處士吳居仁著

雍語 甘泉文集 格物通 湛若水著

松窓寤言八十一章 崔氏洄詞 彰德崔銑著

何氏集十二論 何大復集 信陽何景明著 弘治壬

戌進士官副使

崆峒文集六十三卷 信陽李慶陽著 弘治癸丑進士

官提學副使

紫墟文集 駟野集 海寧儲懽著 成化甲辰會元吏

部左侍郎

龍峰集 華容黎淳著 天順丁丑進士禮部尚書

困知記 泰和羅欽順著

假庵稿 長洲劉鉉著 永樂中以能書徵官至少詹事

武功伯文集 吳縣徐有功著 宣德甲寅進士選庶吉

士封武功伯

庄山集 永新吳孟勤著 洪熙時為翰林學士

損齋脩忘錄 夏邑梅純著

宋潛溪集 龍門凝道記 芝園集 蘿山集 翰苑集

浦陽人物記 浦江宋濂著濂翰林學士承旨

楊東里集 泰和楊士奇著官兵部尚書

楊文舉集 兩京類稿 建安楊榮著官少師

吳康齋集 崇仁吳與弼著

王抑庵集 王文端公集 泰和王直著官少傅

陳白沙集 白沙文編 白沙詩教 新會陳獻章著翰

林檢討

劉古直集 壽光劉珣著

彭從吾集 莆田彭韶著

楊文懿集 桂林稿 鄞縣楊守陳著

石淙稿 制府小稿 巴陵楊一清著

毛文簡公集 崑山毛澄著官禮部尚書

靳文僖公集 丹徒靳貴著官大學士

傅文毅集 傅珪著清苑人官禮部尚書

王襄毅公集 王邦瑞著宜陽人官兵部尚書

姚東魯集 慈谿姚鏞著

張東白集 南昌張元禎著

林見素集 見素奏議 莆田林俊著

羅一峰集 永豐羅倫著官修撰

熊峯集 藁城石瑾著

圭峯文集 泰和羅玘著

楊文恪集 楊濂著豐城人官禮部尚書

息園集 顧東橋集 金陵顧璘著

容齋文集 錫山邵寶著

薛文清集 讀書錄 河東薛瑄著

王氏家藏集 河內王廷相著

康對山文集 武功康海著

嚴文靖公集 嚴訥著常熟人官大學士

林東城文集 泰州林春著

張文定集 四明張邦奇著

周恭肅集 松陵周用著

王羨陂集 關中王九思著

朱凌溪集 寶應朱應登著

王夢澤集 楚王廷陳著官吏科給事中

羅念庵集 吉水羅洪先著

霍文敏集 南海霍韜著

袁永之集 姑蘇袁夔著

馬西玄集 關中馬汝驥著

遵巖文集 晉江王慎中著

五嶽山人集 吳門黃省曾著

張龍湖集 茶陵張治著

楊忠愍集 保定楊繼盛著

皇甫少玄集 皇甫湜著長洲人

鄒東郭集 東郭遺稿 安福鄒守益著

沈青崖集 山陰沈煉著

唐荆川集 續集 文編 左編 右編 武進唐順之

著

存笥稿 右輔王維禎著

蔡汝濱集 寧晉蔡襲著

苙江文集 通玄真編輯畧 上海潘恩著

滄溟文集 歷城李攀龍于鱗父著

祝京兆集 姑蘇祝允明著

惜陰集 吳興顧應祥著

鳳笙閣簡抄 吳興凌約言著

吾學編 今言 古言 鄭曉著

金虎集 皇明名臣琬琰錄 弇州山人集 別集 戊

辰三郡稿 蘇長公外紀 外集 太倉王世貞著號

鳳州

師山集 鄭玉著歙人

華川集二十五卷 王待制集 王堂雜著 義烏王禕

著國初翰林待制承旨

定軒集 赤城錄詩集 黃孔昭著

南山錄 南山稿 黃潤玉著

古穰集 李賢著

從吾滯稿 彭惠安著

德安行稿二卷 太平寶慶雜稿二卷 胡端敏著

聶大年集 大年臨川人

楊升庵文集 寶堂集 南中集 南中續集 引書品

鈺 七十行戍稿 蜀稂文志 新都楊慎著字用修

思賢錄 辯惑編 龜巢稿 武進謝應芳著

耐軒集 桂林機要 天游稿 無錫王達著侍讀學士

思齋集 武進陳齊著右贊善

王雪齋集 金壇大理卿虞謙著

全鳴集 鳧藻集 高季迪集 長洲高啟著字戶部侍

郎啓又著姑蘇百詠

在野集 松江袁覲著覲字景文官侍御

習庵集 蘇州僉事楊基著

東澗集 長洲右叅議沈德著

韓山人集 韓琦十一世孫韓奕著

續文獻通考

卷之百八十一

清溪集 崑山盧熊著 兗州知府

怡庵集 吳縣檢討陳繼著

歸田稿 常熟修撰張洪著

希顏集 吳縣楊翥著 禮部尚書

望雲稿 巢縣郭奎著

正鳴集 六安御史潘禎著

公餘歸田二集 太康戶部侍郎王淪著

滄文集 祥符禮兵刑三部尚書趙昞著

菊庄集 祥符長史劉醇著

石梁意見 三原吏部尚書王恕著

毅齋集 仁和翰林侍講王洪著

螺城集 叅政孫子良著 海寧人

清江集 國子博士貝瓊著 崇德人

滄江集 桐廬徐舫著

繼志齋集三十卷 國子博士王紳著 祥仲子 義烏人

一齋集 遼海集 朱善著 豐城人 大學士

諾若集 進賢包希魯著

頤庵集 國子祭酒胡儼著 南昌人

知庵集 副都御史羅篔著 南昌人

介庵小集 魏默著 新建人 光澤縣尹

常濱集 何祉著 進賢人

鴈里淺稿 僉事方孟縉著 武寧人

續文獻通考 卷之三十三

求正稿 參政萬廷彩著武寧人

世美堂集 丁以忠著新建人官兵部侍郎

鶯谷山房集 刑部尚書李遷著新建人

歲寒集 孫原貞著德興人兵部尚書

陶學士集 陶安著

清風亭稿 海岳涓埃 喻蜀稿 籌邊錄 童軒著鄱

陽人禮部尚書

直庵集 左布政舒清著德興人

知非集 大理評事戴連著浮梁人

學齋稿 提學僉事姚文瀾著貴溪人

南坡集 翰林侍講余鼎著星子人

學海集 博士吳毅著南城人

栢崖集 禮部尚書張昇著南城人

新河集 知清河縣揭執著臨川人

泉坡文集 禮部尚書王英著金谿人

筆府詳述 修撰姜洪著樂安人

歸田類稿 知瑞安縣黃紹烈著金谿人

石門集 新喻梁寅著

觀過稿 新喻右諭德黎恬著

東臯集 副使周謨著新淦人

雲田集 清江彭綱著提學副使

鳴春集 知安東縣孫治著清江人

海桑集 泰和陳謨著

唐伯虎集 唐寅著

王履吉集 王寵著

文衡山集 甫田集 文徵明註

邵復孺集 邵亨貞著

皇甫司勳集 長洲皇甫汈著

職方集 禮部侍郎劉崧著 泰和人

匡山集 楚府教授吳孟勤著 永新人

鍾石先生集 費采著

詞林稿 梁園稿 俱長史宋子環著 吉水人

雙崖集 戶部尚書周忱著 吉水人

寅菴集 工部侍郎羅汝敬著 吉水人

芝山稿 公餘稿 俱左都御史熊槩著 吉水人

松坡集 耀叟集 俱侍讀曾鶴齡著 泰和人

覆瓿稿 永新人劉髦著

立齋集 僉都御史左鼎著 永新人

介庵集 鶴齡子曾廉著

文思集 禮部尚書彭華著 安福人

澄江集 別集 續集 泰和尹直著 兵部尚書

瀧江集 翰林侍講彭教著 吉水人

冰玉集 祭酒羅璟著 泰和人

畏齋集 副都御史周孟中著 廬陵人

雙溪集 祭酒劉震著安福人

晉軒集 右諭德劉戩著安福人

尚賓集 宜春人劉迪簡著

葵庵集 吏部主事蕭義著宜春人

大崖集 嘉魚人李承箕著

蘆泉集 知鎮江府劉績著江夏人

石洲文集 副使王疇著崇陽人

南雋文集 叅政汪必東著崇陽人

雲山草堂集 副使魏裳著蒲圻人

三難軒集 使蜀稿 海防稿 宦滁集 棘署餘聞

俱兵部尚書戴金著漢陽人

滄浪集 考功郎中歐陽謙著沔陽人

鴻猷錄 樵論 楚漢餘談 景藩長史高岱著京山人

吉陽集 刑部侍郎何遷著德安人

長谷集 徐獻忠著

聚峰文集 僉事毛鳳詔著麻城人

閒情集 戶部侍郎程萬里著華容人

素軒文集 副使謝綱著巴陵人

西山集 叅政嚴永濟著華容人

八厓集 按察使周廷用著華容人

未齋稿 郎中徐廷用著醴陵人

山房漫稿 粵中政紀 兩粵彙訓 二南漫稿 俱太

僕少卿劉穩著鄆縣人

靜芳亭稿 兵部侍郎陳洪謨著武陵人

白房集 參政朱袞著永州衛人

武昌集 興山教諭左經著眉州人

澹軒文集 太常卿林文著莆田人

冰崖集 戶部尚書翁世資著莆田人

竹巖文集 祭酒柯潛著莆田人

韋庵集 知潮州府王源著龍溪人

梅庵存稿 經籍要覽 俱布政陳壘著

布衣存藁 鎮海衛人陳真晟著

白石野稿 歸田錄 俱參政林魁著龍溪人

琴軒集 禮部侍郎陳璉著東莞人

梓溪集 舒芬著

研幾錄 行人薛侃著揭陽人

翠屏集 翰林侍講張以寧著古田人

善鳴集 副使唐泰著侯官人

虛舟集 翰林檢討王僎著永福人

願學稿 副都御史朱鑑著晉江人

華泉先生集 邊貢著

澹庵集 參政黃仲芳著甌寧人

賁所文集 副使張合著江寧人

保秀堂文稿 學稿 外稿 通判石雷著石曼卿十六

世孫

田叔禾集 田汝成著

漫游稿 雲芝稿 俱祭酒王勅著歷城人

蒙庵集 布政使戴弁著浮梁人

蠹遇錄 金谿吳世忠著

東江家藏集 顧清著華亭人禮部尚書

黃忠宣集 忠宣別集 黃福著

衣文榮集 袁燁著

解春兩集 解縉著

東海集 華亭張弼著

胡莊肅公文集 胡栢泉著

談資 秦鳴雷輯

馮侍御集 馮恩著華亭人

何氏語林 何翰林集 四友叢說 華亭何良俊著

何禮部集 何良傳著

張西谷集 華亭張世美著

劉槎翁集 泰和劉子高著

孫雪岑集 孫衍著

文裕公全集 陸深著

夢草堂稿 胡鎮著

孫文恪集 孫陞著

蚓竅集 管時敏著

同聲集 李西涯謝方石合著

正揚集 汝南徐耀文著

大明一統賦 吳莫旦撰

大明兩都賦 吳桑悅撰

冰玉集 濠梁石州崔鼎著

周叔夜集 周思兼著華亭人

劉端毅集 安福劉玉著刑部侍郎

穀原文草 蘇佑著

西隱集 宋訥著

玉芝山房稿 茅坤著

世經堂集 華亭徐階著官少師大學士

續吳先賢讚 劉侍御集 長洲劉鳳著

坦齋先生集 劉三吾著

歸太僕集 崑山歸有光著

方文襄公遺稿 方獻夫著

蘭暉堂集 屠應峻漸山著

歐陽南野文集 歐陽必達著

夏文靖公集 留飲稿 東歸稿 夏原吉著

李中麓間居集 李舜臣著

白石自知堂稿 蔡汝南著

沈鳳峯稿 華亭沈愷著

畏庵周先生集 狀元周旋著

太函集 南明副墨 汪道昆著

鴈河釣叟自在吟 王周著

汲古叢語 華亭陸平泉樹聲著官禮部尚書

莊渠先生遺書

王彭衙集

黃泰泉集 黃佐著

孫豐山集

三元集

程松谿集

午坡文集

玄素子集

林二山愧瘖集

苑洛集 長洲韓雍著官都御史

浮溪文粹

內方文集

翁東涯集 翁萬達著

陽峰家藏集

鈴山堂集 大學士嚴嵩著

徐氏海隅集 老子解 春明稿 俱徐學謨太室著嘉

定人

竹素堂稿 陳所蘊著上海人叅政

高蘇門集 高叔嗣著字子業號蘇門

續文獻通考

卷之四百八

十五

二、世六

續文獻通考卷之二百八十五

五嶽游稿 臨海王士性著

崇蘭館集 華亭莫如忠著左布政

路紀 嘉興項篤壽著

柳貫文集二十卷 別集二十卷 貫浦陽人字道傳

純白類藁三十卷 東陽胡助履信著

敝帚編 逸事載卑官下吏上卒婦女之死節者 林下竊議一卷 東

陽張樞子長著

道軒小稿五卷 義烏馮宗珽惟端著

華川文派錄 端本要畧 續敬鄉錄 義烏金江孔殷

著

雙杉亭草十二卷 義烏李鶴鳴九臯著

日損齋稿五十三卷 筆記一卷 義烏黃縉晉卿著

南稜類稿二十卷 義烏王炎澤仲成著

夢稿 痴稿 聽雨留稿 義烏劉應龜著

朱蕪文集十七卷 廉義烏人字伯清

賓湖稿五十卷 權政記十五卷 義烏王宗聖汝學著

草閣集七卷 永康李壘宗表著

道山集二十卷 浦陽鄭棠叔美著

甌甌洞藁 興國州吳國倫著

青蘿館集 吳興徐中行著

宗子相集 廣陵宗臣著

皆可堂集 華亭馮時行著

續文獻通考卷之二百八十五

十六 一百四十五

續文獻通考卷之一百八十二終

謝山入集 謝榛著

孫太初集 孫一元著

續文獻通考卷之一百八十二終

謝山集二十卷 謝榛著

孫太初集二十卷 孫一元著

續文獻通考卷之一百八十二終

謝山集二十卷 謝榛著

孫太初集二十卷 孫一元著

續文獻通考卷之一百八十二終

謝山集二十卷 謝榛著

續文獻通考卷之一百八十三

皇明進士雲間王圻纂輯

經籍考 章表 類書 詩集

章表

諫林百二十卷 虞城趙槩上于神宗以太子太師致仕

田京奏議十卷 滄洲人徙居洛邑舉進士喜議論尚氣

節通兵戰曆雜家術又著天人統術通儒子十數書

西清奏議三卷 晉江陳從易著從易性激直與王欽若

丁謂皆不絕而亦不阿其意

田况奏議二十卷 冀州信都人少卓犖有大志舉進士

甲科至和初擢樞密副使以太子少傅致仕

續文獻通考卷之一百八十三

三頁四

陳公輔奏議十二卷文集二十卷 公輔臨海人政和二
年上舍及第官至禮部侍郎

金侍講奏議表疏 金安節著休寧人博洽經史宣和中
進士紹興初累官至吏部侍郎兼侍讀所著又有周易

解及文集二十卷

黃鏞奏議雜著 字國和浦城人政和中進士為高宗所
知卒危於群小

掖垣奏議 俞烈著

諫垣集 諫垣遺稿 趙彥達著

牟氏奏議 牟子才著

東南防守利便三卷 呂祉著字安老建陽人紹興中知

建康 作此以上

李忠定公奏議 李綱字伯紀延平人政和中進士又著
諸集百餘卷

劉氏奏議 劉宜著

宗忠簡公奏議 宗澤著

王氏奏議 王萬著

傅氏奏議 傅崧著

汪澈奏議 澈浮梁人紹興進士

黃通志奏議十卷 黃中字通志邵武人紹興進士以忤
秦檜斥外朱文公嘗裁書以見欲居于門弟子之列

李端州奏議 李彌遜著彌遜本連江人後徙吳縣弱冠

登第紹興初遷起居郎與秦檜論事不合以徽猷閣直
學士知端州致仕號筠溪直隱

周氏奏議 周操著

劉氏奏議 劉玉著

陳居仁奏議 居仁膏子紹興中進士累官國子丞風度
凝遠臨事毅然

周葵奏議五卷 周葵著

本朝名臣奏議 奉新胡价集

漢唐名臣奏議五十卷 同安石巨輯

恢復機密十論 制敵權鑑四十卷 富彊要策十卷

趙粹中著字叔達自密州徙鄆登紹興進士科孝宗

進論策喜之一歲九遷

東南銷患書一卷 高準著準字平一寧德人乾道間鳳

允文當國準上此書因請使北虜伺其虛實為錄以虜
并言恢復太要允文已去位朝廷欲授以官不就

十箴一卷 徐鳳著字子儀浦城人寧宗理宗朝出入翰

苑屢進嘉猷

屯田詳議二十二篇 方公奏議五卷 方有開著淳安人

仕為淮西運判

林文中奏議 外制文集三十卷 林文中來康人紹興

末進士寧宗時由臺諫歷官僉書樞密院事

吳芾奏五卷 芾仙居人舉進士累官侍御史有直聲

遷禮部侍郎以龍圖閣直學士致仕為文豪健峻整有詩文三十卷

皇谷奏議 皇谷講義 塩楮議 稿 豐城徐鹿卿著

杜右相奏稿外制經筵講義共三十餘卷 杜範著黃岩

人受學朱熹嘉定初進士調金壇尉累遷監察御史知無不言後拜右丞相連上十二事盡革舊弊

中興奏議 李壁著

兩朝奏議 經筵講義 陳宗禮著

經筵口奏故事 葉味道著

趙崇喙奏議 南豐人嘉定間為石城令官至朝散大夫

罪言三十篇 李邦著

姚逢原奏稿 逢原名希得

顏氏奏議 顏棫著

西掖藁 諫垣存藁 晉江楊炳著

批鱗十三策 蔡孝恭著元道四世孫博文強記以賢良薦上批鱗十三策至京師或謂合謁當路孝恭曰以嫵

媚取科第吾不能也遂歸不仕

劉甲奏議十卷 甲贊之裔徙居龍遊淳熙中進士

批鱗稿五十篇 朱景文著清江人自少俊邁傑出讀書

過目不忘為文頃刻立就雄贍豪爽

楊通老奏議 楊楫字通老長溪人師事朱文公為高弟

與楊方楊簡號三楊官湖廣提刑江西運判卒祀於學

太平策要 鄧考甫著凡二百五十餘篇

經筵講義 端平廟議 翰林詞草 俱真德秀著

西掖制書奏議數十卷 勾濤著新繁人舉進士累官史

館修撰上書言時事之害政者高宗嘆其忠

劉文簡奏議文藁 劉燾著

儲鑑奏議 吳昌裔著裔舉嘉定進士歷官監察御史遇

事敢言

世要機務十卷芻蕘策十卷 史通著通青神人以文學

知名歷官通州尉磐石今有古循吏風

端平奏議 鄭性之著 嘉定四年進士第一

西清奏講 中書制稿 楊從易著晉江人第進士累官

侍御史激直少容喜別白是非多面拆人

經筵講義 洪天錫著

浚軒代庖集 骨鯁集 前後奏議 資政十論 古鑑

錄 龍溪余嘉著其古鑑錄上光宗力沮和議者也

當世急務湖北利害二錄 奉新胡价著

三諫集錄 林宗放著

滕公諫疏二十餘篇 滕宗諒著

奏議叢璧 孔元龍著

趙進士奏議 嘉定十六年進士南豐趙崇璠著

內外制奏議 奉常議 掖垣繳奏 金華講義進故事

程公許著

南京籌邊十八篇 曾三英著

忠告三卷 元泰定時張養浩為御史中丞所奏一曰廟

堂忠告二曰風憲忠告三曰牧民忠告

奏議塞責稿 成遵著遵字誼叔穰人幼敏悟讀書日記

數千言元統初舉進士

孫良禎奏議若干卷 烏古孫良禎著

危太樸奏議二卷 金溪危素著至正中以文鳴天下所

著俱藏於家嘗修后妃功臣傳又以和寧為太祖開基

之地請於朝作和寧志又順帝知公問學淵深命註爾

雅校君臣政要

先賢奏議玉府 先賢奏議蔡山 危禎編

皇明奏議輯畧 定遠黃金輯

皇明經濟錄

關中奏議 楊一清著

文恪奏議四卷 楊濂著

何文簡公疏議 何孟春著郴州人吏部侍郎

唐漁石奏議 蘭溪唐龍著

鄭淡泉奏議 鄭曉著

從吾奏議一卷 彭惠安著

奏議十二卷 胡端敏著

介菴奏議 王恕著

夢虹奏議 御史鄧顯麟著奉新人

東曹奏牘 徐廷用著

東洲奏議 叅政龍諾著攸縣人

黃門奏章 右通政黃驥著全州人

鎮山奏議 朱衡著江西人工部尚書

肅愍公奏牘 兵部尚書于謙著

晉溪兵本敷奏

浚川奏議

南宮奏題稿 侍祠代對錄 嘉定徐學謨著

名奏精英 新都楊慎輯

類書

文海百餘卷 沙縣羅疇著

古今文章 石公輔集

文苑英華 漢唐文類 徐鹿卿著

學苑精華 齊廊著廊會稽人舉進士仕終秘書監

古賦準繩十卷 虞廷碩編輯

百段錦 三山方頤孫集

補註古文苑 章樵著

文章復古 文章續古 濂洛文統周子文章指南 王

栢纂

文類七十卷 真定蘇天爵著

金石竹帛遺文 柳貫著

源流至論 林駟著駟寧德人少穎悟清修苦學博極群

續文獻通考 卷之三百三

書德祐丙子以易魁鄉薦著述甚富

論學軌範 繆主一著

文章軌範 謝枋得輯

復齋金石錄 王原之纂

古今文典 魯真集

文選類要 柴瑾集

史學提綱 上饒祝堯著

文選補遺四十卷 陳計輯計博學好古著述甚富

經史事類書共三十卷 張諒著諒字子京建安人

事類要領十卷 何述著

會粹古今事類二百卷 高仲壘著仲壘字汝諧順之

嘗魁漕舉學問踐履皆醇正

垣齋類藁 黃學行著

蘇氏家藏雜帖一卷 蘇伯循家藏宋誠夫跋

經史辨疑 莆田黃仲元著

經史解題四十五卷 群書新語十卷 莆田方龜年著

龜年景祐進士

名臣事纂 葉適集

讀經史要畧類編 曹理集

通典輯要 詹師文著

玉海 王應麟著

紀纂淵海 賈昉之集

續文獻通考

卷之百八

二百三

金石類考 葉夢得集

黃東發日抄 黃震集

蓬山類苑 祝常集

經史旁開 聞人宏集

續通典 李維集

翰墨大全 熊禾集

事文類聚 祝穆著穆字和甫朱文公表姪性温行醇學

博文瞻

隨類錄二百卷 蘆隱類藁五十卷 喻侃著侃浙人

山堂考索 章如愚集如愚浙人

格初類編 元城潘迪著

純白類編 胡功著

復古編十卷 秦不花字兼善伯牙吾台氏家貧好讀書

年十七江浙鄉試第一廷試賜進士及第授集賢修撰

善篆隸温潤道勁重類此編攷究訛字於經史有據云

文獻通考三百四十八卷 樂平馬貴與著貴與自以宋

相廷鸞子義不仕元隱居著書首田賦次錢幣戶口職

役征權市糴土貢國用選舉學校職官郊社宗廟禮樂

兵刑經籍帝系封建象緯物異輿地終之以四裔總為

二十四目一目中又各有小目上自唐虞以前下至宋

季世代綿邈歷如指掌雖小有未備然亦弘博君子矣

皇明類書

儲君昭鑑錄 洪武中成

為政要錄 洪武三十年成九十三條

武士訓戒錄 洪武二十一年命儒臣編集

華夷譯語 洪武十五年命侍讀火原潔等類編

臣誠錄 洪武十三年命儒臣纂

女誠 洪武元年命學士朱升等修

資世通訓 洪武八年御製凡十四章

皇明祖訓 洪武六年 命中書省官纂為目十有三曰

箴戒持守祭祀出入國政禮儀法律內令內官職制兵

衛營繕供應因錄于謹身殿東廡乾清宮東壁以示子

孫

孝慈錄 洪武七年冬因議孫貴妃服制遵著此書

精誠錄 洪武十六年 太祖享太廟致齋 命吳沉集

古今經傳敬天忠君孝親格言類輯以便觀覽

省躬錄 洪武十九年 命儒臣劉三吾編輯漢唐以來

災異之應于臣下者著為是書

存心錄 洪武十九年 命儒臣劉三吾輯歷代帝王祭

祀祥異感應著為書以便觀覽

醒貪簡要錄 洪武二十五年著頒內外諸司

末鑑錄 洪武二十五年 太祖輯歷代帝室諸王為惡

者類編頒 賜諸王

世臣總錄 洪武二十五年 太祖又輯歷代人臣善惡

可勸懲者著為書以頒中外臣子

稽古定制 洪武二十九年 太祖以臣踰制越禮 命

翰林斟酌唐宋制度為書一卷

列女傳 永樂元年 成祖以 孝慈皇后刪定列女傳

未就 命儒臣重加編次分為三卷

文華寶鑑錄 永樂二年 成祖輯古來嘉言善行有益

儲訓者彙成是書

內訓 永樂三年 仁孝皇后著自德性以及慈幼為目

凡二十為本七十有八

永樂大典 永樂五年 成祖命解縉纂集古今經史子

集百工技藝為書名文獻大成至是以為未備復

姚廣孝劉季篬解縉等徵四方宿儒重加增輯計二萬

二千九百卷一萬一千一百本

歷代名臣奏議 永樂十四年 成祖命楊士奇等輯

為善陰騭 永樂十七年作凡一百八十本共一百六十

五人

孝順事實 永樂十八年作凡一百五十本共二百七人

帝訓 宣德三年 宣宗製自君德至于藥餌共二十五

類為一卷

五倫書 正統十三年 英宗以宣宗所輯五倫書六十

二卷鈔梓以廣其傳

歷代臣鑒 宣德元年 御製

君鑒錄 景泰五年頒

大明會典 弘治十六年 命儒臣纂成凡一百八十卷

嘉靖三十八年重修未刻 萬曆六年復修

皇明文衡一百卷 金獻彙言 程敏政著

文苑群玉 唐律群玉 勛賢琬琰集 俱何喬新著

鑒問言行錄八卷 遼東賀欽著字克恭登成化丙戌進

士官陝西叅議

帝王基命錄 文統 建文時臨海方希古著

鑑古錄 嘉靖中大學士李賢錄堯舜以來二十君之事

有可法者彙為一帙畧為解說奏進

帝鑑圖說 江陵大學士張居正編進

群書備數 理學類編 俱 洪武中編修張九韶著

餘冬錄 何孟春著

皇明文纂 大梁張士淪纂

皇明文範 四明張時徹輯

皇明文則大成 吳興慎蒙輯

大學衍義補 戶部尚書丘濬著

經籍格言 吏部尚書王恕著

皇明理學名臣言行錄 皇門名臣言行錄 楊文恪有

國朝列聖詔令勅諭 天言彙錄 汪世貞編集

不鍾堂國琛集 烏程唐樞著

大學衍義補膚見四卷 胡端敏著

續文獻通考 卷之二百八十三 十一

續文獻通考 卷之三百三十一
文苑春秋四卷 崔文敏著

丹鉛閨錄 丹鉛詩以 丹鉛餘錄 丹鉛總錄 丹鉛

別錄 文海養 俱楊用修著

儒行十二篇 百家輯錄 俱大理寺寺丞劉端著

艷異編 兩山墨談 陳霆著

詩集

宋

蓬萊詩二卷 張伯玉著建安人知太平州遷司封郎官

李陶集 博白李時亮著屬文尤長於詩與陶弼慶和因

名其集

師尚集 長沙譚世勳著師陶者師淵明也

滄浪集 光化石澗著光化詩淡泊時出偉麗

漁舟集 成都郭震著震博學能詩李旼稱其有孟郊風

雅正集十卷 建安李虛已著虛已精於詩律

雙峯詩集 謝履著字履道惠安人嘉祐中進士

林圖南詩二卷 林搏著圖南其字也出處見琴譜

卧龍集 惠安王獻臣著

林仲嘉詩三卷 仲嘉福清人以詩名時與鄭俠王聖時

林圖南李天與為詩友

註杜詩及文集二十卷 鮑慎由著慎由龍泉人舉進士

嘗從王安石蘇軾遊為文汪洋闊肆詩尤高妙

杜詩集句一編 寧化李元白著哲宗時人

鄧春卿詩文三卷 春卿字榮伯長汀人其貧樂道崇寧
間詔舉隱逸不就後舉八行又不就卜築南山之阿而
老焉

沈存中詩話 沈括著

聖壽詩二十篇 周葵著宜興人宣和進士歷官殿中侍
御史知無不言孝宗時爲參知政事

龍陽十詠一卷 趙善齡知龍州時著

蒙谷詩集 李安期著字泰伯建寧人淹貫經史援筆成
文岳飛被禍作表忠詩百二十首吊之

改註杜詩三十卷 卞大亨註象山人

刻鵠詩集 彭止著字應期崇安人嘗謁辛棄疾值其書

寢題一絕于齋而去辭云棋子聲乾案接塵午窓詩夢

暖于春清風不動階前竹誰道今朝有故人棄疾覺遺

人追之延留累月所爲詩皆清麗典則

楚東唱酬集 鄞江集 王十朋著

東萊集詩 新集詩話 呂祖謙著

錢唐詩前後集 薛傳正著

夢昌陵古律二十韻

宋史曰理宗改端平春三月上齋居恭默殿夢一真人

戴冠佩王畧似藝祖色鰲而貌和延帝殿上即東席西

向坐以賓禮揖上東向面命洋洋俄而夢覺越三日宗

臣善來以昌陵御容進如夢中真人毫髮無異因述古

律二十韻紀實大臣請送之秘閣刊之琬琰從之

古詩攷 王景昌著

天台集 林詠道著

拙菴雜咏一卷 晉江郭咸著

梅軒集 諸葛興詠撰

毛氏詩集 毛滂撰

橫塘集 許景衡撰

遁思遺稿 呂皎撰

黃清江詩稿二十卷 清江黃祈著

補註東坡詩集一卷 龍溪黃學臯著

容安詩藁十卷 同安王顯世著

東溪集 崇仁其泳著黃大山序其詩一言而役萬景片

詞而括萬情全體似李賀而不涉於怪也

朝陽詩集 晉江陳權撰

風雅遺音 南昌熊凱著

盧瞻詩集 瞻惠安人

楚辭集註辨微 城南雜咏 感興二十首 朱文公著

頤庵詩稿 劉應時著字良佐慈谿人性敏而勤于書無

所不讀刻意于時寄興瀟灑范至能深賞之

梅山詩集 劉褒著字伯寵崇安人十歲能屬文登淳熙

進士才高見忌不久仕于朝

歌詩雜著 安溪林德秀著

樂軒詩集 陳藻著字元藻福清人得林光朝經學之傳
遂成通儒學者稱為樂軒先生所著又有杜詩解

洞庭王虹日邊盟鷗清江集 柳雷應春著以詩擅名累

官監察御史首疏時相繼忤權貴歸隱北湖

黃古愚箒金集 黃館著長谿人號古愚博通經史尤長

於詩

百將詩一卷 林仲虎著字景瞻寧德人慶元中應武舉

第二使北虜執禮不撓

漢沔詩集五卷 平原趙自化著

雍熙詩二百首 萬適著陳州宛丘人自號遺玄子所著

又有經籍摘科討論記四十卷

德齋詩集 龍溪陳經著經工於詩名士趙汝讜敖陶孫

危稹傅伯成輩皆推服之

杜陵詩評十卷 興化方醇道著

荆南叢錄 興化方畢著畢為潛江簿詩集鄭樵為序

趙庚夫山中集 庚夫字仲白莆田人平生志業無所洩

一寓於詩嘗自刪取五百首劉克莊擇自篇為山中集

屬趙庚夫序而傳之

抱甕集十五卷 柯夢得著莆田人嘉定中屢上春官不

第以特科入官一生苦吟學孟東野又編選唐絕句為

五卷

詩文雜著二十四卷 葛洪著

詩賦雜文千六百餘篇 周啟明著龍泉人舉賢良方正
既而罷歸教授子弟百餘人不復仕

厚倫詩一卷 鄭撲翁著

倚梅吟稿 趙必連著字仲漣崇安人刻苦讀書開慶間
以父蔭當補官辭不受晚植梅數百株名其居曰梅花
莊與弟若櫬日吟咏其中

山陰詩話 陸游著

畫餅編 范師孔著字學可崇安人咸淳中預薦肄業武
夷書院此編皆其所為詩若文也

耐賢翁詩集六卷 吳岡著惠安人研究經學第進士教

授邵峽二州葺治賢舍應厲諸生始相繼登第

韻械詩文四十卷 械詞章雅麗有體外夷皆敬慕之

古今詩話筆苑五卷 黃萬頃著同安人第進士知雷州

朱子詩指 王栢纂

朱子詩解 戴亨著

潘廷堅詩集古樂府 潘物著字廷堅閩縣人端平二年

對策忤史彌遠調鎮南軍節度推官累遷潭州通判

筠溪直隱詩集 李彌遜著

鰲峯隱人集三卷 熊知至著字意誠建陽人博學工詩

杜俱詩集 杜俱著

和劉克莊梅花百詠一卷 莆田方澄孫著

梅軒集 陳從龍著字登雲嘉魚人少嗜學每夜讀書至

續文獻通考 卷之三十三

七

七

七

曙能詩環居栽梅倚樹而歌
李玘詩集 玘字粹之建寧人學行為鄉閭所推以八行
薦未受命而卒

巽溪集 陳敬叟著字炳然臨武人中咸淳甲戌進士授
迪功郎德祐北附隱居不仕肆力於詩文後子章伯又
輯其所作為巽溪遺藁

二十四孝詩 九溪郭居敬撰以訓童蒙
巽溪嗣稿 陳章伯著字奎龍敬叟之子其稿名示不敢
忘先澤也

水壺詩十卷文集二十卷 義太初著字仲遠營道人以
詞賦名登淳熙戊戌進士自號水壺

江湖吟社集 曾原一著博學工詩

感興詩註 蔡汝揆著

指南集 集社詩百首 吟嘯集 吉水文天祥著天祥
作文未嘗屬草下筆滔滔不竭尤長于詩有古賦比興
之旨流離中感嘆悲悼一發于詩在京口則有指南集
在燕獄則有集社詩百首

雪坡詩集 高安姚勉著

論語詩五十卷 指南集三卷 詩文二卷 林子充著
福清人長於性學

西湖百詠 楊公濟著

淮海詩集 元肇著通州人生而癡愚號淮海淳熙間為

人牧羊忽吟詩曰麥浪清如水浪梨花白似梅花不煖
不寒天氣半村半郭人家後爲僧遍遊江湖爲詩清麗
文亦雅健

歲寒集 遼蕭柳著字徒門淳欽皇后弟智勇能文爲北
女直詳穩卒耶律觀音奴集其所著詩千篇名曰歲寒
六義集十二卷 遼蕭韓家奴著

放懷詩一卷 遼耶律孟簡著聞皇太子被害不勝哀痛
作放懷詩二十首以傷之

慶會集 遼耶律良著良讀書醫巫間山學既博又入南
山肄業清寧中官知制誥帝命其詩爲慶會集親製序
焉

李鼎新詩話 遼易縣魏道明著舉進士累官至國
軍節度使

小菴小藁 金完顏璫著璫本名壽孫越王求功子平生
詩文甚多自刪其詩存三百首樂府百首號如庵小藁
遼齋詩集 金玉元節著字子元弘州人天德三年詞賦
進士仕終密州觀察判官

曹戶部詩集三十卷 金曹望之著字景蕭宣德人天會
間以秀民子克女直字學生年十四歲學成除西京教
授累官戶部尚書望之初不學及貴稍知讀書遂刻苦
自致

東岩詩集三卷 金元德明著系出拓跋太原人累舉不

第因放浪山水飲酒賦詩自適

杜詩學一卷 東坡詩雅三卷 錦機一卷 詩文自警

十卷 金元好問著

澗邊集二十卷 趙若著字順之崇安人元時薦辟皆不

就吟咏自適

彭元亮集 彭炳著為詩專效陶柳

杜詩句解 安成劉應登著

大山集 新喻蕭山則著善吟咏碑銘記序得盤詰體

本齋詩集三卷 王都中著

小山集 蕭泰來著即山則弟

樵隱集 麗水祝大明著

榜棹山人詩集 餘杭岑公之詩公有志節人敬憚之

燹餘集 桃峯朱嗣榮著精于詩冲淡如漢魏雄健如盛

唐因遭兵火故以名集所著又有政鑒若干卷亦燬于

兵

瑶林滄江二集唐詩通攷 桐廬徐舫著字方舟自號滄

江散人少攻舉子業後棄去習古歌詩

白雲稿 天台林茂濬著生平酷嗜吟咏上自漢魏下逮

唐宋諸家無不漱其芳腴挹其真醇積而後發發必竭

盡其興趣此稿尤為時所傳誦

東軒集 宋景濂曰天台方明敏著其弟明則繕抄成帙

古詩俊逸超群律詩清麗婉切

註唐詩鼓吹 交城郝天挺著

杜詩舉隅 宋景濂曰杜子美詩註者數百家務穿鑿者

謂一字皆有所出泛引經史巧為傳會誼讓而叢脞騁

新奇者稱其一飯不忘君發為言辭無非忠愛之意至

率爾味懷之作亦必遷就而為之說近代廬陵大儒頗

患之通集所用事實別見篇末固無繳繞猥雜之病未

免輕加批抹如醉翁寐語終不能了了會稽俞先生季

淵以卓絕之識脫畧衆說獨法序詩者之意各析章句

具舉衆義于是燦然可觀晚所著又有韓文舉隅而孝

經易書詩禮記春秋離騷各有審問不但箋杜詩而已

林伯恭詩集 永嘉林温著宋景濂稱其沉鬱頓挫渾厚

超越大雅奏而黃鐘獨鳴武庫開而五兵森列洪濤怒

張而魚龍出没又曰宋嘉舊傳四靈詩識趨凡近音調

卑促近或以為清新競模倣之伯恭一洗陋俗豪傑之

士也

唐詩選 定海王玠纂

劉彥昂詩集 彥昂名炳其詩氣韻沉鬱言出意表近謝

康樂蘊籍脫落不露塵土類岑嘉州颯颯乎仙遊英英

乎霞舉又善學李供奉天分既高人功又深凡有模擬

彷彿似之

王以道詩集 太和詩韻度閒曠一如其人

杜詩註釋 興化黃鍾鼎之著

丁亥詩集五卷 劉因著天資絕人日記千百言隱居教授隨材皆有成就學者稱為靜修先生

愚前詩稿十卷 方道獻著又有詩文說選唐詩元各一卷

和陶詩 戴良著

杜詩類註 劉霖著

水涯詩集 贛縣蕭士贊著尤愛李白詩反覆吟誦為分類補註

類補註

玲瓏窓吟卷 清江徐基著

節菴詩集三十卷 黃異著

兩山詩集 南臺御史李思衍著

月灣詩集 將仕佐郎鄱陽吳存著

小溪寓興十卷 丁巖著

律詩樂府三卷 晉寧張翥著

虛籟集 秀江縣孫春州著歐陽圭齋稱其清曠簡遠擬

古精到有韋柳風

環山詩稿 廬陵歐陽齊吾著

進修集 安成劉王振著

五言總論十卷 義烏石一鰲巨卿著罄遂于易

梅南詩集 高安易南友著歐陽圭齋曰南友恬愉清白

富貴利達不動其中游行江湖以得句為樂故其為樂府為諸體詩往往出于性情所感觸咸臻其妙

李宏謨詩集

安成人詩尚雅興不事浮靡

山中小藁

安成秀才李希說著開卷第一首襍賦有曰

我欲近自然物由天成歐陽圭齋曰以此求詩何患

無佳句

羅舜美詩集

廬陵人歐陽圭齋曰詩不輕猥不缺薄日

進于雅且正矣

鳴皋集

安成劉執中著號後梅集中樂府精深諸體詩

皆壯麗開通

蕭同可詩集

廬陵人隱居不仕

陶集註三卷詩一卷

真定王沂著

白家意思集

劉邊著字道建安人工詩

楊載詩集

集古句詩二卷字仲弘浦城人後徙杭州

為文以氣為主而詩尤有法與虞集范梈揭傒斯齊名

號虞楊范揭

清江碧嶂詩一卷

杜本著

望雲稿

郭奎著少遊余忠宣門遭世亂親亡弟喪漂零

江湖間遂仗劍從軍凡大江以西燕趙淮楚之墟奇蹤

勝跡咸涉獵而形諸歌詩

曹伯啓詩文十卷

曹伯啓著

鳳髓集

九華詩集

青陽陳清隱著鳳髓集則集杜甫

詩句為之者也

王泰來詩集

王泰來著

竹齋詩集 安思承著

水雲清嘯詩集 吳江王原傑著

靜庵詩集 華亭胡林卿著

水雲集 江大有號水雲因以名集

江漢百味集 嚴士直著字正卿崇陽人博洽子史善詩

文尤嗜仙釋

侯大中詩集 公安人號損齋金大定初應詔建醮授師

號其詩集學士元善為之記

孫良禎詩文若干卷 烏古孫良著

宋史詩 寧德陳尚德著

楚漢正聲二卷 浦江吳萊著又有詩傳科條春秋經說

胡氏傳攷誤

葯房樵唱 蘭溪吳景奎著以雄逸之資濟通明之識著

於篇翰讀之者如入玄圃而覽明月

王氏夢吟詩卷 宋濂氏曰先生自幼至若不啻六十年

未嘗一日忘詩一夕宿仙華山下夢偉丈夫過之取袖

中詩一章朗然而誦迨旦頗憶其首句因從而補其辭

遂以名卷按宋氏不著其名

張景遠詩集 陶安著畧曰君舊居河東徙家毘陵喜攻

詩遇事紛糾常吟哦有雅致歷覽名山巨川仙墟福境

輒吐英藻罄其模寫其或游神冲淡托意悠深則又脫

氛埃素雕琢故體格屢變卒歸于治平之音使造進未

盡

續文獻通考 卷之三百三十三

已猶當揚厲風雅遺家高視兩京六朝之上也

郭子明詩集 廣平郭文德著劉誠意曰其詩不尚險澁

不求奇巧惟心所適因言成章而其自得之妙則有已

獨知之者

渤海詩話 高若虎著字仲容永福人

呂周臣詩集 括蒼劉氏曰呂君由吏員累月至九品家

居以待選則杜門而作有味史一百首題味雜花三百

有餘首皆意足而語到

唐溪詩話 陳德固著

詩詞雜著二十五卷 趙善湘著

杜詩註 趙汝談著

東坡詩註 施元之著

龍岡楚詞說 林應辰著

杜詩註 魯豈撰

項伯高詩集 括蒼劉氏稱其冲淡而和平逍遙而閒暇

王原章詩集 括蒼劉氏曰會稽王原章善為詩士大夫

工詩者多能道之其詩直而不絞質而不俚豪而不誕

奇而不怪博而不濫有忠君愛民之情去惡拔邪之志

劉石唱和集 括蒼劉氏曰予至正十六年以承省檄與

元帥石末公謀括寇因為詩相往來遂以名集

金陵百味 曾極著臨川人志氣豪放聲名四達朱子大

異之

續文獻通考 卷之三百三十三

三百六十五

思剡集 陳子暈著字象賢奉化人嘗為慶路教諭因國事日蹙隱居田里每風晨月夕載酒溪山之上賡唱迭和以發舒懷抱

黔南道士詩集 歐陽賓實著圭齋稱其詩清緻有體幽閒之容冲抑之氣可因詩而知其人

月樓上人詩 圭齋稱其五言長律思緻清醇氣格深安唐之九僧不得專美于前

平山詩集 僧有貞著福清人骨相清奇作頌說法皆造其極

昭玄上人詩集 上人詩惟俊俏拔近世能詩者莫之先雙清詩一卷 東山壽聖寺物外上人作同聲氣者无之

綠窓遺稿

孫氏諱淑字蕙蘭新喻傳若金妻父周卿先

生以孝經論語及女誡教之未嘗學詩因其弟受唐詩家法于庭取而讀之得其音格輒能為近體五七言既卒因出其稿得五言七首七言十一首五七言未成章者廿六句其夫特為編集成帙

朱淑真詩集 淑真歸安人文章幽態才色清嚴因匹偶之非勿遂素志嘗賦斷腸哀怨詩自解沒後臨安王唐佐為傳以述其始末吳中士大夫拾其詩二百餘篇梓之宛陵魏仲恭為之序

詩林萬選 何新之著新之西安人仕至樞密院編修採唐宋詩為此書

朝野詩集五百餘卷 熊本編

類集詩史三十卷 興化方醇道輯

詩話總龜二十卷 青州褚仁傑集

詩學大成 毛直方編直方字靜可建安人咸淳中預薦

入元授徒講學

風雅類編 廬陵袁懋昭集以世代次序得詩譜遺法起

四言至樂府止五言七言絕句論見精詳去取簡當

寶林編 僧大同類集古今人所作詩

唐律刪要 吳萊著

皇明詩集

醉學士歌 宋濂管侍 太祖宴二觴醉行不成步

上親製楚詞一章 命侍臣各賦歌曰俾後世知 朕

君臣同樂如此

良馬歌 洪武九年 賜宋濂 親為製歌

平胡詩 洪武二十一年 太祖賦二章 命群臣和

高皇帝嘉禾詩 永樂四年勒石仍 賜諸王及各官

喜雪詩 宣德三年十月 太祖因作詩示羣臣以志豐

年之兆

鱒魚詩 宣德四年以鱒魚醇酒 賜大學士楊士奇楊

榮金幼孜示以 御製詩士奇等賡和

招隱歌 宣德六年 賜蹇義等招隱歌且曰古有招隱

歌者欲與俱遊 朕欲招而用之恐山林之士未悉此

意再賦七言招隱歌以示卿等

祖德詩 宣德六年 御製凡九章

幽風圖詩 宣德七年 御製因闕元趙孟頫幽風圖作

御製傳集 成化十四年 命儒臣輯凡四卷五百八十

九首

敬一箴 嘉靖五年 御製 命頒行天下

平臺詩 嘉靖五年 上御平臺以陳寵等恭和 御詩

揚一清提督軍務 勞費宏滋潤 御製詩章各作一

詩 賜之以醪勸復皆 賜酒饌

除夕詩 嘉靖七年 賜少師楊一清致輔道交修之意

欽天記頌 嘉靖十年 御製頌 賜群臣凡三百言頌

數十韻

和輿地圖詩 嘉靖十三年 上和 宣宗閱輿地圖詩

因 賜群臣

念農詩 嘉靖中 幸省耕亭 御製詩 賜群臣

和祖德詩 嘉靖中 上以 宣宗有賦 淳祖至 仁

宗 祖德詩四章恭和之廣其未備者 宣宗至 武

宗凡九章

歸夷雜詠 謝鐸著

二十八箴 方希古著

蘿山詩集 宋景濂著

梅花百詠 夏元吉著

續文獻通考 卷之三百三十一
和陶詩二卷 李賢著

選註風雅源流 唐詩咏史絕句 白沙定山詩 俱楊

文恪著

皇明詩抄 詩林振秀 陶情樂府 續陶情樂府 選

詩外篇 月節詞 瀑布泉行 詞林萬選 交遊詩

錄 風雅逸編 五言律祖 唐絕精選 絕句辨體

唐音百絕 群詩麗句 李詩選 宛陵六一詩選

杜詩選 宋詩選 元詩選 五言三韻詩選 五

言選 升庵長短句 升庵詩集 蘇黃詩髓 以上

新都人楊慎用修著

國雅 錫山顧起綸選

懷古詩集 南昌劉端著

群英雜言 鄱陽王翬著

江西詩記 漢陽戴金著

保秀堂詩稿 金齒司石雷著

截山詩集 瓊山王惠著

矜庵詩 金谿吳世忠著

唐詩類編 詩學梯航 俱吉水周叙著

雲間百詠 上海劉邦輔著

解頤新語 皇甫汈著

續文獻通考卷之一百八十三終

續文獻通考卷之一百八十四
皇明進士雲間王圻纂輯
六書考 書體
易曰上古結繩而治後世聖人易之以書契自官以治萬民以察蓋取諸其
周禮保氏養國子以道乃教之六藝五曰六書 樂師掌國學之政以教國子國子十年出就外傳居宿於外學
書計 外史掌達書名於四方 行人於九歲屬瞽史
諭書名
燧人氏始作結繩之政
按索隱曰上古未有文字大事則大結其繩小事則小

續文獻通考卷之一百八十四

皇明進士雲間王圻纂輯

六書考 書體

易曰上古結繩而治後世聖人易之以書契自官以治萬民以察蓋取諸其

周禮保氏養國子以道乃教之六藝五曰六書 樂師掌

國學之政以教國子國子十年出就外傳居宿於外學

書計 外史掌達書名於四方 行人於九歲屬瞽史

諭書名

燧人氏始作結繩之政

按索隱曰上古未有文字大事則大結其繩小事則小

結其繩以記之

倉帝名頡有睿德生而能書及長登陽虛之山臨於玄扈
洛水之泐靈龜負書丹甲青文倉帝受之遂窮天地之
變仰觀奎星員曲之勢俯察龜文鳥羽山川精掌而規
文字文字成天為雨粟鬼為夜哭

太昊伏羲氏造書契以代結繩之政

陳氏曰命朱襄為飛龍字造書契謂刻木

畫書制有六一曰象形二曰假借三曰指事四曰會意
五曰轉注六曰諧聲使天下義理必歸文字天下文字
必歸六書是時獲景雲之瑞又作龍書

按班固藝文志又作象形象事象意象聲轉注假借

顏師古曰象形謂畫成其物隨體詰屈日日是也象事

謂指事也謂視而可識察而見意上下是也象意即會
意也謂比類合義以見指揮武信是也象聲即諧聲謂
以事為名取譬相成江河是也轉注謂建類一首同意
相受考老是也假借謂本無其字依聲託事令長是也
夫六書始於象形而終於轉注象形指事文也會意諧
聲字也轉注假借則文字之變通者也自許氏說文以
令長之類為假借考老之類為轉注後世因之莫之有
改至毛晃氏始謂老字下從匕考字下從丂各自成文
非反匕為丂也又曰周禮六書轉注謂一字數義展轉
注釋而後可通後世不得其說遂以反此非彼為轉注
其說皆非厥後王魯齋氏正始之音趙古則氏六書本

義乃極論考老為非矣
神農感嘉禾之瑞而作穗書

黃帝有熊氏立史官制文字倉頡為左史沮誦為右史倉頡見鳥獸之跡作鳥迹書體類象形而制字時又作雲書其書頭尾細團圓如水中之科斗子故又名科斗書

按燧人氏作結繩而昉書之意至伏羲造書契而成書之形倉頡為古文而具書之體譬諸木結繩其始生耳書契則已蘖矣古文則幹且枝矣然伏羲時已有六書之名而又云黃帝始制文字則不知六書之所書者何文何字也豈六書徒有其名至黃帝始因之而創文字

與史皇氏之名倉頡而黃帝之史復名倉頡豈古有所倉頡與路史辯之甚詳今列於左

路史曰呂不韋書云史皇作書倉頡氏也管氏韓子國語史記俱無史官之說據世本云史皇倉頡同階又曰沮誦倉頡作書亦未嘗言史官也及韋誕傳玄皇甫謐等遂以為皇帝史官蓋肇謬於宋衷衷之世本注云倉頡沮誦皇帝史官抑不知衷何所據而云末代儒流莫見其書更交引以為世本之言世本曷嘗有是哉竊嘗考之倉頡之號曰史皇又曰倉帝河圖說徵云倉帝起天雨粟青雲扶日語亦見之洛書說而鴻烈解言史皇生而能書是則倉帝史皇非人臣之類明矣後世徒見

其有史皇之名因謂為史官耳豈今之所謂史乎哉且上古始制文字者倉頡也而無懷氏已刻徽號伏羲氏已立書契俱在炎皇之前豈得至皇帝而始制文字耶此崔瑗蔡邕曹植索靖顧野王之徒所以咸謂古之帝者得之矣

少昊金天氏作鸞鳳書

高陽氏作蝌蚪書

一云作倉頡所作古文

帝嚳高辛氏以人紀事作人書象仙人形車服書器皆為之

陶唐之世南夷有越裳氏重譯來朝獻神龜蓋千歲方尺餘背有蝌蚪文記開闢以來堯命錄之謂之龜曆

夏禹作鍾鼎形為篆

務光辭湯之禫隱於清冷之陂植薤而食見葉交偃象為倒薤書以寫太上紫經三卷

周文王時史佚感騶虞而作虎書又文王赤雀銜書集戶武王丹鳥入室以紀祥瑞作鳥書後用以題帙取其飛騰輕疾又武王因素鱗躍舟而作魚書

宣王時太史史籀取倉頡形意損益古文或同或異轉相配合為大篆十五篇以其名顯故謂之籀書以其官名故謂之史書以別小篆故謂之大篆今之石鼓文是也

籀又作復篆而重複之故名

漢武帝時用題建章宮闕

媒氏作填書以書男女納采之文

魏常詔用題宮闕時王廙王隱皆嗜此體

魯哀公十三年西狩獲麟仲尼反袂拭面歎吾道終窮弟
子為素王紀瑞因作麒麟書

魯秋胡之妻作蠶書

宋景公時司馬子意感熒惑退舍而作轉宿書形似蓮花
之未開

戰國時有款識書傳信鳥跡書書節為信象鳥形

秦始皇初并天下一法度衡石丈尺車同軌書同文字始

嘗以鼻字似
皇改為罪

李斯增損大篆異同籀文謂之小篆亦曰秦篆世謂之王
筋篆又謂之八分小篆蓋比籀文十存其八云

按小篆之體又復有八曰鼎小篆曰薤葉曰垂露曰露

針曰纓絡曰柳葉曰剪刀曰外國胡書古文可謂上古

大篆為中古小篆為下古昔蔡伯喈居嵩山學書於石
室內得一素書八角垂芒頗

似篆

臨川吳氏曰秦丞相斯燔滅聖經真得罪萬世而能損
益蒼史二家文字為篆書至今與日月相炳煥是不可
以罪揜其功也斯死之後工其書以名世者七八百年
僅見唐李陽冰又二百年僅見宋初徐鉉而已宋人能
者多於唐而表表者不一二噫何其孤也哉蓋亦有其
故矣秦人苟簡繁碎峻迫以為治一惟刀筆吏是任至
以衡石程其書厭篆書繁難省為隸以便官府人惟便
之趨則孰肯背時所向而甘心繁難者哉篆學之孤殆

其勢之所必至噫篆之興由於秦而篆之廢亦繇於秦推所從來任吏之過也

下邳程邈本秦獄吏得罪繫雲陽獄初善大篆覃思十年增減大篆去其繁複而為隸上於始皇始皇善之為隸人佐書故名隸書又曰佐書秦之權量所刻是也不為體勢與漢款識篆文相類非有挑法之隸也

庾肩吾曰按鄺善長水經注臨菑人發古塚得銅棺棺外書齊太公六代孫胡公之棺惟三字古文餘同今書按胡公在春秋前則隸書興於周代明矣當時猶與古文相參程邈始廢古文而全用隸又丘光遲以隸書興於周代謂亥有二首六身如布筭之狀按此亥文則秦

秋已有隸書矣

秦廢古文更有八體 一曰大篆史籀 二曰小篆李斯 三曰

刻符即古 四曰蟲書即鳥書以書幡信首 五曰摹印屈

真密秦爾文也蕭子良悞以刻符摹印合為一體 六曰

署書即蕭何所定以題 七曰殳書書於殳也殳體八

曰隸書程邈所作徒隸之書

書契既出字體悉具蝌蚪古文大篆小篆各有所用如禹刻岫嶠碑則用蝌蚪宣王刻石鼓文則用籀書如今之傳世文字也至於用之庶民媒灼婚姻之約市井交易之券則從簡易止用小篆何以知其然也唐人錢譜載太昊氏金尊盧氏幣其文具存與今小篆不異昔在

京得太公九府圖錢近在滇得黃帝力布其文悉小篆
乃知小篆與大篆同出決不始於秦也如今人楷書亦
有數體有古字楷書有今字楷書又有一種省訛俗書
同一時也文人奇士多用古字官府文移通用今字市
井下流則用省訛俗書如錢作久聖作圣盡作尽是也
由是例之推千萬世以上隆古之極未必悉用蝌蚪推
千萬世以下世變之極未必悉用俗書也

漢時衛律

漢律篇名

學童年十七以上始試諷籀書九千字乃

得為史又以六體試之課最者以為尚書御史史書令
史吏民上書或不正輒舉劾大體者古文奇字篆書隸
書繆篆蟲書皆所以通知古今文字摹印章書幡信也

漢初有鶴頭書彷彿鶴頭詔板所用謂之尺一簡又有偃

波書狀若連波即詔板下鶴頭纖亂者

蕭何善篆籀為前殿成潭思三月以題其額是謂署書

孝文以對字有口言多非誠去口而作對

孝武時產芝於宣房因以紀瑞而作芝英書

一云戰國時作

司馬相如采日辰之蟲屈伸其體升降其勢以象四時之

氣為氣候直時書

後漢東陽公徐安子搜諸史籀得十二時書蓋象神形云

孝宣時召通倉頡讀者張敞從受之涼州刺史杜業沛人

爰禮講學大夫秦近亦能言之

是時河內女子毀李耳之塚於垣壁得古文皆漆書科

斗字

續文獻通考 卷之百八十四
元帝時史游爲急就章一篇解散隸體簡略書之大抵損
隸之規矩存字之梗槩縱任奔逸赴俗急就因草創之
義謂之草書

趙一非草書略曰余郡士有梁孔達姜孟穎者皆當世
之彥哲也然慕張生之草書過於希顏孔夫草書上非
天象所垂下非河洛所吐中非聖人所造蓋世之末刑
峻網密官書繁冗戰攻並作軍書交馳羽檄分飛故爲
隸草趣急速耳示簡易之指非聖人之業也但貴刪難
省繁損複爲單務取易爲易知非常儀也故其讚曰臨
事從宜而今之學草書者不思其簡易之旨競以杜撰
爲楷失指多矣且草書豈之人其技藝之細者鄉邑不以
此較能朝廷不以此科吏博士不以此講試四科不以
此求備徵聘不問此意考績不課此事彼善字既不達
於政而拙草無損於治推斯言之豈不細哉

張子曰草書不必近代有之必自筆劄已來便有之但
寫得不謹便成草書其傳已久只是法備於右軍附以
已意爲說既有草書則經中之字傳寫失其真者多矣
以此詩書中字儘有不可通者

顏師古曰急就篇出小學家昔在周宣粵有史籀演暢
古文初著大篆秦兼天下罷黜異書丞相李斯撰蒼頡
篇中車府令趙高繼造爰歷太史令胡毋敬作博學篇
皆所以啟導青衿垂法錦帶也逮至炎漢司馬相如作

凡將篇俾效書寫多所載述務適時要史游景慕擬而廣之元成之間列於秘府雖復文非清靡義闕經綸至於包括品類錯綜古今詳其意趣實有可觀者焉然而時代遷革亟經喪亂傳寫湮訛避諱改易漸就蕪舛莫能釐正少者闕而不備多者妄有增益人用已私流宕忘返至如蓬門野賤窮鄉幼學遞相承稟猶競習之既無良師祇增僻謬若夫縉紳秀彥膏梁子弟謂之鄙俚耻於窺涉遂使博聞之說廢而弗明備物之方於茲寢滯師古家傳蒼雅廣綜統略尤精訓故待問質疑事非稽考不妄談說必則古昔信而有徵先君師古父常欲思魯注釋急就以貽後學雅志未申昊天不吊奉遵遺範永

懷罔極舊得皇象鍾繇衛夫人王羲之等所書篇本備加詳覈足以審定凡三十二章究其真實又見崔浩及劉芳所注後魏太宗元年勅崔浩解劉芳續注音義證三卷人心不同未云善也遂因暇日為之解訓皆據經籍遺文先達舊旨非率愚管斐然妄作字有難識隨而音之別理兼通亦即並載可以祛發未寤矯正前失振幽翳之學據制述之意庶將來君子裁其衷焉

孝平時徵爰禮等百餘人會說文字未央廷中以禮為小學元士

新莽時使司空甄豐定古文復有六書一曰古文孔氏壁

二曰奇字即古文而異者也三曰篆書秦篆也四曰佐書即隸也五

曰繆篆所以摹六曰鳥蟲書所以書莽又以疊字三

日太盛改為三田

楊雄好為奇字侯芭嘗從受學

東漢光武時馬援為伏波將軍上書曰臣所假伏波將軍印伏字犬外嚮成臯今印臯字為白下羊尉印白下人

入下羊即一縣長吏印文不同恐天下不正者多符印所以為信也所宜齊因薦曉古文者事下大司空正郡

國印章奏可

章帝建初中秘書郎曹喜以工篆聞於京師帝見而悅之嘗作懸針書又作垂露字如懸針而勢不纖阿那若濃露之垂以書童表又本務光之法作薤葉篆垂枝濃直

以小篆書之

章帝時杜操善草書帝愛之令上表亦作草書謂之章草上谷王次仲作八分書蓋起於官獄多事苟趨簡易故

無點畫俯仰之勢一云以古書字形少波勢乃作八分楷法

蔡文矩曰臣父云割隸字八分取二分割篆字二分取

八分故名八分張懷瓘云本楷字漸若八字分散故名

八分又人用寫篇章或法令故謂之章程書又說書有

八體伯喈於八體之後又分此法故云八分

和帝時申命賈逵修理舊文於是許慎采史籀李斯楊雄之書博訪通人考之於逵作說文解字六藝群書之詁皆訓其意而天地鬼神山川草木鳥獸魚蟲雜物奇恠

王制禮儀世間人事莫不畢載

許慎又學孝經孔氏古文說古文孝經者孝昭時魯國三老所獻建武時給事中議論衛宏所校皆口傳官無其說慎復撰具一篇和帝時與說文並上秘府許冲序略曰庖犧氏始作易八卦以垂憲象及神農氏結繩爲治黃帝之史倉頡見鳥獸啼呴之迹知分理之可相別異也初造書契蓋依類象形故謂之文其後形聲相益即謂之字字者言孳乳而寢多也著於竹帛謂之書書者如也以迄五帝三王之世改易殊體封於泰山者七十有二代靡有同焉周禮八歲入小學保氏教國子先以六書及宣王太史籀著大篆十五篇與古文或異至孔

子書六經左丘明述春秋傳皆以古文厥意可得而說其後諸侯力政不統於王惡禮樂之害已而皆去其典籍分爲七國田疇異畛車涂異軌律令異法衣冠異制言語異聲文字異形秦始皇帝初併天下丞相李斯乃奏同之罷其不與秦文合者斯作倉頡篇中車府令趙高作爰歷篇太史令胡毋敬作博學篇皆取史籀大篆或頗省改所謂小篆者也是時秦燒滅經書滌除舊典大發隸卒興戍役官獄職務繁初有隸書以趨約易而古文絕矣自是秦書有八體漢興有草書隸律以教學童今雖有尉律不課小學不修莫曉其說久矣孝宣時召通倉頡讀者張敞從受之孝平時徵爰禮等百餘人

今說文字黃門侍郎採以作訓纂篇凡倉頡以下十四篇群書所載略存之矣及云新居攝使大司空甄豐等校文書之部自以為應制作頗改定古文時有六書所謂壁中書者魯恭王壞孔氏宅而得禮記尚書春秋論語孝經又北平侯張倉獻春秋左氏傳郡國亦往往於山川得鼎彝其銘即前代之古文皆自相似雖叵復見遠流其詳可得略說也而世人大共非訾以為好奇者之故詭更正文鄉壁虛造不可知之書變亂常行以耀於世諸生競說字解經誼稱秦之隸書為倉頡時書云父子相傳可得改易乃猥曰馬頭人為長人持十為斗蟲者屈中也廷尉說律至以字斷法苛人受錢苛之字

止句也若此者甚衆皆不合孔氏古文謬於史籀俗儒鄙夫玩其所習蔽所希聞不見通學未嘗觀字例之條怪舊執而善野言以其所知為秘妙寃洞聖人之微指又見倉頡篇中幼子承詔因號古帝之所作也其辭有神仙之術焉其迷誤不喻豈不悖哉書曰予欲觀古人之象言必遵修舊文而不穿鑿孔子曰吾猶及史之闕文今亡也夫蓋非其不知而不問人用已私是非無正巧說表詞使天下學者疑蓋文字者經藝之本王政之始前人所以垂後後人所以識古今叙篆文合以古籀傳採通人至於小大信而有徵稽撰其說將以理群類解謬誤曉學者達神指分別部居不相雜廁萬物咸觀

靡不兼載厥誼不昭爰明以諭其稱易孟氏書孔氏詩
毛氏禮周官春秋左氏論語孝經皆古文也

靈帝熹平四年立石經於太學命議郎蔡邕為古文篆隸

三體書之碑始立觀模寫者車乘日千餘兩 六年帝

好文學引諸生能為文賦者並待制鴻都門下工書寫

篆者亦加引召

時師宜官工楷大者一字徑丈小者方寸于言甚矜其能

或不時前請酒家飲因書其壁顧觀者以售酒討錢足

而滅之每書輒削其柎梁鵠乃益為板候其醉而竊其

柎鵠卒以書至選部尚書魏武得鵠書懸於帳中及

朱育少好奇字每依體象類造作異字

劉德昇作行書即正書之小偽務從簡易相間流行

故謂之行蓋真幾於拘草幾於放介於兩間不真不草

行書是也德昇又觀星象作纓絡篆

張芝變章草為草書字之體勢一筆而成偶有不連而血

脉不斷及其聯者則氣候映帶

左中郎蔡邕在鴻都門見匠人施堊帝遂創意為飛白蓋

創法於八分窮微於小篆者也

王僧虔曰飛白八分之輕重本是宮殿題署勢既尋丈

字宜輕微不滿故曰飛白梁武帝復有白而不飛飛而

不白之論

魏初有鍾胡鍾繇二家為行書法俱學之於劉德昇而鍾

續文獻通考 卷之百八十四
之能者多於唐

元帝批荅用諾字形若鳳尾故謂之鳳尾諾蓋本於章草
字之有尾者 右將軍王羲之七歲善書十二得其父
曠之用筆秘法不盈暮月書大進衛夫人語太常王榮
曰此兒必見用筆訣也妾近見其書便有老成之意因
流涕曰此子必蔽吾名嘗書祭北郊文父乃削之筆入
木三分三十三書蘭亭序三十七書黃庭經訖空中有
語卿書感我而况人乎羲之書多不一體嘗遊天台還
會稽上洞庭題柱為一飛字有龍爪之形因謂之龍爪
書

晉時王烈入河東抱犢山石室內有兩卷數書不知其
字不敢取頗詰十數字形體歸示稽叔夜盡知其字乃
將叔夜重往則失石室所在

齊武帝觀落英茂木為花草書

王僧虔以擬龍爪作虎爪書加之縈婉兼以稜角

宋明帝以駟字舛類禍改而為仄

按形影之影舊作景葛稚川加彡於右軍陣之陣舊作
陳王右軍去東用車尼丘之山二合而為_{尼音}丘章貢之
水後人合而為_{荒音}顛_{荒音}荒昏二義元次山謚隋煬帝合而
為_{荒音}荒此與宋明所改皆以意變更者也

梁太宗時顧野王奉令撰玉篇特嫌其書詳略未當以蕭
愷博學文字為善使與學士刪改

蕭琛在宮城有北僧南渡齊漢書序傳以為班固真本琛固求得之其書多有異于今者而紙墨亦古文字多如攀龍之列非隸非篆琛深秘之

陳庾特善字書每屬辭好為奇字文士以此譏之

周禮奇字見於洪文敏所記者如法為瀆柄為枋邪為衰美為媿呼為噀拜為擗韶為營怪為傀暴為魘獨為籀風為飄鮮為蠱槁為菟螺為羸牌為廬魚為敵埋為狸吹為歛咳為穢暗為齶析為櫟探為揮翅為翼摘為哲駭為駭擊為擊擊為棒掬為棗窳為悞藻為藻昊為頂叩為敏艱為囂魅為魁與夫盾鰓胖鱗盞舐耐馳桌難箔鬻柶緣福嬰樂棟之類皆他經鮮用者

按張守節論史漢字例曰史漢文字相承已久若悅字作說閑字作閒智字作知汝字作女早字作蚤後字作后既字作漑勅字作飭制字作制此之沿流緣古少字通共用之史漢本有此古字者乃為好本程邈變篆為隸楷則有常後代作文隨時改易衛宏官書數體呂忱或字多奇鍾王等家以能為法致令楷文改變非復一端咸著秘書傳之歷代又字體乖日久其黼黻之字法從嶺今之史本則有從端音端秦本記云天子賜孝公黼黻鄒誕生音甫弗而鄒字之前史本已從端矣如此之類並即依行不可更改若其鼃鼃從龜辭從舌覺學字從與泰恭從小匱匠從走巢藻從果耕藉從禾席下為

帶美下為大哀下為衣極下為點柝榜著片惡上安西
餐側出頭離邊作禹此之等類直是訛字寵字為錫音陽
以支音修反代文問分反將无混無若茲之流便成兩失

元魏世祖太武始光元年初造新字千餘詔曰在昔帝軒
剗制造物乃命倉頡因鳥獸之迹以立文字自茲以降
隨時改作故篆隸草楷並行於世然經歷久遠傳習多
失其真故今文體錯謬會義未愜非所以示軌則於來
世也孔子曰名不正則事不成此之謂矣今制定文字
世所用者頒下遠邇永為楷式

太武時江文威上書三十餘法各有體例

江式傳曰六世祖瓊字孟瑯昔馮翊太守善蟲篆詁訓

世傳家業祖彊字文威上書三十餘法有體例式少傳
家學篆體尤工洛京宮殿諸門板題皆式書也式兄子
順和亦工篆

世宗宣武延昌二年江式撰集古來文字上表乞給典書
秘書所須之書并學士五人嘗習文字者助臣披覽書
生各五人專令抄寫侍中黃門國子祭酒一月一監評
議疑隱庶無紕繆所撰名目伏聽明旨詔曰可如所請
其有所須依請給之書成號曰古今文字凡四十卷大
體依許氏說文為本上篆下隸

江式表略曰魏初博士張揖著埤倉廣雅古今字詁究
諸埤廣綴拾遺漏增長事類抑亦於文為益者然其字

詰方之許慎篇古今體用或得或失矣陳留邯鄲淳亦
與揖同時博聞古藝特善倉雅許氏字指八體六書精
究閑理有名於揖以書教諸皇子又建三字石經於漢
碑之西其文蔚炳三體復宣較之說文篆體大同而古
字少異又有京兆韋誕河東衛覲二家並號能篆當時
臺觀榜題寶器之銘悉是誕書咸傳之子孫世稱其妙
晉世義陽王典祠令任城呂忱表上字林六卷尋其况
趣附託許慎說文而案偶章句隱別古籀奇惑之字文
得正隸不差篆意也忱弟靜別倣故左校令李登聲類
之法作韻集五卷宮商角徵羽各爲一篇而文字與兄
便是魯衛音讀楚夏時有不同皇魏承百王之季紹五

運之緒世易風移文字改變象形錯繆隸體失真俗學
鄙習復加虛造巧談辯士又以意爲說炫惑於時難以
釐改乃曰追來爲歸巧言爲辯小鬼爲醜神蟲爲蠶如
是甚衆皆不合孔氏古書史籀大篆許氏說文三字石
經也夫文字者六藝之宗王教之始前人所以垂今今
人所以識古故曰本立而道生孔子曰必也正名乎又
曰述而不作書曰予欲觀古人之象皆言遵修舊文而
不敢穿鑿也臣六世祖瓊家世陳留徃晉之初與從父
兄俱受學於衛覲古篆之法倉雅方言說文之義當時
並收曾祖善譽官至太子洗馬出爲馮翊值洛陽之亂
避地河西數世傳習斯業所以不墜也世祖大延中皇

威西被牧犍內附臣亡祖文威杖策歸國奉獻五世傳
掌之書古篆八體之法時蒙褒錄序列於儒林官班文
省家號世業臣每承雲澤厠霑漏潤驅馳文閣參豫史
官題篆宮禁猥同上哲既竭愚短欲罷不能是以敢籍
文世之資奉遵祖考之訓竊慕古人之軌企羨儒門之
轍撰集古來文字以許慎說文為主爰採孔氏尚書五
經音註籀篇爾雅三倉凡將方言通俗文祖文宗埤倉
廣雅古今字詁三字石經字林韻集諸賦文字有六書
之義者皆以次類編聯文無重複統為一部其古籀奇
惑俗隸諸體咸使班於篆下各有區別詁訓假借之義
僉隨文而解音讀定夏之異並逐字而注其所不知者

則闕如也 時沈法會能隸書宣武之在東宮勅法會
侍書後以隸迹見知於閭里者甚衆然未有如崔浩之
妙


後周太祖以隸書紕繆命趙文深與黎季明沈遐等依說
文及字林刊定六體成一萬餘言行於世

冀雋以時俗入書學者亦行東脩之禮書家所興起自倉
頡若同常俗未為合禮遂啟太祖釋苴倉頡王充論衡
曰學書者

思丙日蓋倉
頡以丙日止

隋文帝以周齊不遑寧處去隨之久而依隋

唐太宗貞觀六年正月八日命整理御府古今工書鍾王
等真跡得一千五百一十卷至十年太宗嘗謂侍中魏



鄭公曰虞世南死後無人可與論書徵曰褚遂良下筆
道勁甚得王逸少體太宗即日召令侍讀嘗以金帛購
求羲之書跡天下爭齎古書詣闕以獻當時莫能辨其
真偽遂良備論所出一無舛誤

初羲之書蘭亭序十餘紙有一紙亦自以為神命子孫
藏之傳至七世孫智永永傳弟子辯才太宗康知此書
在辯才許再降勅追入內道場供養從容訪之俱辭以
亂離散失因與房玄齡謀遣監察御史蕭翼徵行至越
州遊其寺中與辯才遇久之甚款因出其所持二王帖
示辯才辯才以為未善乃徐於屋梁上檻內出其所藏
蘭亭示翼翼故駁毀指類居一日辯才偶赴檀越齋翼

疾入其室取之至驛下敕都督徐善行追辯才入見告
以取蘭亭辯才聞語絕倒持奏太宗太宗大悅賜養甚
渥父之亦賜辯才物三千段穀三千石太宗大漸命以
蘭亭殉因歸昭陵

太宗嘗謂朝臣曰書學小道初非急務時或留心猶勝
棄日凡諸藝業未有學而不得也病在心力懈怠不能
專精耳朕小時為公子頻遭陣敵義旗之始乃罕寇亂
執金鼓必有指揮觀其陣即知疆弱以吾弱餌其疆以
吾強衝其弱敵犯吾弱追奔不踰百數十步吾擊其弱
突過其陣自背而反擊之無不大潰多用此制勝朕思
得其理深也今吾臨古人之書殊不學其形勢惟在求

其骨力而形勢自生吾所為皆先作意是以果能成也
十四年購求人間書凡真行二百九十紙裝為七十
卷草二千紙裝為八十卷每聽覽之暇以此臨玩又開
弘文館選貴臣子弟有性識者為學生內出書命之學
人間有善書者追徵入館十年間海內從風 十八年
自三品以上賜宴於玄武門太宗操筆作飛白衆臣乘
酒就太宗手中相競散騎侍郎劉洎登龍床引手然後
得之不得者咸稱洎登床罪當死請正法太宗笑而置
之

高宗龍朔二年上自書與遼東諸將謂許敬宗曰許國師
嘗自愛書可於朝堂開示國師見之驚喜私謂朝官曰

國師見古蹟多矣魏晉以後惟稱二王然逸少多力而
少妍子敬妍多而少力今觀聖跡兼絕二王之書鳳翥
鸞迴實古今書聖

裴行儉以草隸名家高宗嘗以絹素詔寫文選覽之秘愛
其法資物良厚行儉每曰褚遂良非精筆佳墨未嘗輒
書不擇筆而妍捷者余與虞世南耳

唐世取士以身言書判所謂書者楷法適美也

武后時鳳閣侍郎宗秦客改造十二字以獻因行之后所
名墨即其字也 十二字照為墨天為天地為空日為
○月為星為○君為周臣為忠載為夙初為鳳年為
率正為正

按鄭樵通志所載又不止十二字亦無君字文亦微有不同今併錄於左以俟考古之士
 天塋代地
 日
 代月
 代星
 忠代臣
 胤代載
 胤代初
 聖代年
 正代
 正聖代
 照整代
 證聖代
 聖胤代
 授胤代
 載因代
 國鄭
 樵曰武后更造十六字代舊十六字史臣儒生皆謂其草創無義以予觀之天作死日作
 並篆文也年作聖
 正作正並古文行於世者授古文亦有作胤胤者國亦有作因者也
 籀文或有作坐者星崔希裕纂古而作
 孰謂其草創而無本與

按傳記又言則天好改新字有言國中有或或者或也乞一武鎮之乃改作國復言武在口中與因何異乃改

作國

匡人

胤載

胤初

整證

整授

聖聖

匡生

七字見宣和畫譜與鄭樵所載文又微有不同

中宗神龍元年上謂鳳閣侍郎王方慶曰卿家多書合有右軍遺跡方慶曰臣十代再從伯祖羲之書先有四十餘紙貞觀十二年太宗購求先臣並以進訖惟有一卷見在今臣進訖臣十一代祖導十代祖洽九代祖珣八代祖曇首七代祖僧綽六代祖仲寶五代祖騫高祖規曾祖褒并九代三從伯祖晉中書令獻之以下二十八人書共十卷並進上御武成殿示群臣仍令中書舍人崔融為寶章集以叙其事復以集賜方慶舉朝為榮

玄宗開元六年詔命整理內府古今工書鍾王等真跡得一千五百一十卷帝嘗以鄭形近鄭更而為莫幽形近幽更而為邠

代宗大曆十二年顏真卿獻所著韻海鏡源三百六十卷詔下秘閣及集賢書院貯之

真卿著千祿字書一卷以平上去入四聲為次具言俗

通正三體大較則有三體非謂每字皆然所謂俗者例皆淺近惟籍帳

文案券契藥方非涉雅言所謂通者相承久遠可以施

表奏章啟尺牘判狀若須作文言及選曹論試兼擇正體用之尤佳所謂正者

可以施著述文章對策碑碣進十考試理宜必遵正體明經對策貴合經註本文

碑書多作八分在例循舊則也

徐浩父嶠之善書以法授浩益工嘗書四十三幅分八體

皆備草隸尤工世狀其法曰怒猊抉石渴驥奔泉

張旭善草書嗜酒每大醉叫呼狂走乃下筆或以頭濡墨

而書既醒自視以為神世號張顛嘗尉常熟有父老屢

求判狀張怒父老曰見公筆勢奇妙欲家藏之耳遂判

與之張嘗見擔夫與公主爭道及公孫大娘舞劍遂悟

筆法

憲宗見柳公權書迹愛之問曰卿何能如是之善對曰用

筆在心心正則筆正矣文宗時嘗命以詩題於殿壁字

率徑五寸帝嘆曰鍾王無以尚也後宣宗召至御座前

書紙三番作真行草三體秘之賜以器幣且詔自書謝

章無限直行當時大臣家碑誌非其筆以為不孝外夷
入貢者皆別署貨曰此購柳書嘗書西明寺金剛經有
鍾王歐虞褚陸諸家法自謂得意凡公卿以書貺遺鉅
萬俱命主藏者掌之奴或盜其銀杯笑曰銀盃羽化矣
惟筆硯圖籍常自鑄秘

文宗開成初唐玄度於國子監復定石經九經字體依故
司業張參五經字樣為定諸經之中別有疑闕舊字樣
未載者特與勅官商較是非取其適中者纂錄為新加
九經字樣一卷請附五經字樣之末從之

武宗嘗創二字一宀一乃以試王僕射起起言臣於三教
書字所不識者周穆王傳卷間二字耳向者二字群書

未見

唐韋續纂五十六種書以字有五易蒼頡變古文史籀製
大篆李斯作小篆程邈作隸書漢代作草是也其八體
者更加刺符摹印蟲書署書文書傳信書并大小篆為
八也後漢東陽公徐安子搜諸史籀得十二時書皆象
形也又加二十三體共定五十有六種列之於後云
一龍書 二德書 三篆書 四雲書 五鸞鳳書
六科斗書 七人書 八龜書 九鍾鼎書 十倒薤
書 十一虎書 十二鳥書 十三魚書 十四填書
十五大篆 十六復篆詳前 十七爻書百氏所職文
記笏武記爻因而製之名鼎象形 十八小篆周時所

作漢武帝汾陰鼎所存 十九仙人篆古之所有李斯

善辨其文字改為象形 二十麒麟書 二十一轉宿

篆 二十二蠶書 二十三傳信鳥跡書詳具前 二十

四細篆李斯模寫始皇碑序用此體 二十五篆書李

斯刪古文始皇以祈禱登山皆斯書 二十六刻符

書鳥頭雲脚體秦李斯趙高皆善之用題印璽 二十

七古隸書詳前又名徒 二十八徒隸書因程邈幽

囚為之 二十九署書詳前 三十葉書草行之交也

漢董仲舒欲言災異王父偃竊而奏之晉衛瓘索靖善

之亦云相間而用者 三十一氣候直時書詳前 三

十二芝英書六國時各以異體為符信云又云述英芝書 三

十三靈芝書詳前又名英芝 三十四金錯書古之錢名周

之泉府漢之銖兩刀布所製一說以銘金石故謂之金錯 三十五

上方大篆程邈所述後人飾之為此法 三十六鵠頭

書 三十七偃波書俱詳前 三十八蚊脚書尚書詔版

用之其字體側纖垂下有似蚊脚因而為名 三十九

垂露篆 四十懸針篆有若針鋒因而名之用題五經

篇目 四十一章草書 四十二飛白書俱詳前 四十

三一筆書漢弘農張芝臨池所作其狀崎嶇有循環之

趣 四十四八分書詳前 四十五蛇書魯人唐琮當漢

魏之際夢蛇繞身寤而作此 四十六行書 四十七

散隸書 四十八龍爪書俱詳前 四十九葉書及行隸

續文獻通考

書魏鍾繇變此義獻重焉 五十晉二王重變行隸及
篆體為八體書 五十一草書晉王羲之飾古亦甚善
五十二虎爪書前詳 五十三鬼書宋世元嘉中京口
有人震死臂上有似篆八分也 五十四外國胡書阿
馬鬼魅王之所授其形似小篆 五十五天竺書梵王
所作涅槃所謂四十二章經是也 五十六花書河東
山胤所作

唐僧夢英十八體書

古文 黃帝蒼頡所作秦用小篆焚燒先與古文遂絕漢
武帝時魯恭王壞孔子宅壁得古文尚書自後隨世變
易文成數體

迴鸞篆 史佚所作合草木鳥獸山川蟲魚飛走動隱而

成其字 此即鳥書

雕蟲篆 魯秋胡妻所作 此即蟲書 亦云戰筆書其體適健垂

畫纖長旋繞屈曲有若蟲形其狀似玄鳥優游落花散
漫

飛白書 蔡邕所作 凡

薤葉篆 務光所作其狀若秋風遠望寒雪片飛世絕人

學

瓔珞篆 後漢劉德昇作其體類蝌蚪而不直勢同迴鸞
而宏遠雖諸篆之法盡殊而此書為之首出後漢儒生
悉皆學此

大篆 周太史史籀所作詳見前漢元帝王遵嚴延年並工史書是也

柳葉篆 晉衛瓘所作其跡類薤葉而不真筆勢明勁莫能傳學

小篆 秦李斯所作詳見前畫如鐵石字若飛動作楷隸之祖永昌等書是也

芝英篆 漢陳遵母所作昔六國各以異體之書潛為符信則芝英與焉秦焚古典其文猥滅在漢中葉武帝臨朝爰有靈芝三本植於殿前既歌芝房之曲又述芝英之書陳氏即芝英之祖

龍爪篆 晉右將軍王羲之所作詳見前

懸針篆 漢曹喜所作其勢有若針之懸鋒芒故名詳見前

籀文 亦史籀所作詳見前

雲書 衛恒所作

按黃帝時有雲書此云衛恒所作誤矣

填篆 即填書王廙王隱皆云字間滿密故云填篆亦曰方填書至今圖書印記並用之

剪刀篆 韋誕所作亦云金錯書其體狀若麗匣盤龍新臺舞鳳自後史游造其極焉

蝌蚪篆 其流出於古今尚書序費氏註云書有二十法蝌蚪書是其一法以其小尾伏頭狀似蝦蟆子故名

垂露篆 漢曹喜所作章帝嘗重此書懸之帳內謂其書

如金盤瀉珠鳳篋雜雨八法玄妙一字千金

宋景文公祁筆記云仲尼登太山見七十二家字各不同其字甚新但未詳其所出以上十八體終

後唐林罕嘗撰字源編小說其自叙略曰六書者非止着一意而屬一字一字之內有占六書二三四者大都造字者包含六意字有正者倒者橫而在上中下者豎而在左右中者向者背者並者重者順者逆者左者右者俯者仰者橫拆而累別字者豎開而夾別字者有一字成者有全二字三字四字五字合成者有省二字三字四字合成者隸書有不拋篆者有全違篆者有減篆者有添篆者有篆隸同文者在篆體則可辨變隸體則多有異義而同文篆亦有之又文下作子為學更傍作生為蘇凡數十百字謂之野書唐有勅文明加禁斷今往往見之是不可學其道書鬼書大篆章草八分飛白破體行書亦無益于字篆隸有筆力適健字勢妍麗斯乃意巧之人臨文改易或參差之長短之屈曲之拘戾之務于奇恠以媚一時後習之人致與元篆隸不同蓋病由此起耳今所篆者則取李陽冰重定說文所隸者則取開元文字雖知魯鈍不失源流耳

南漢劉儼自制龔字為名

龔音儼

宋置書判拔萃科以待選人之應書者

太宗即位之後募求善書者許自言於公車置御書院首

續文獻通考 卷之三百四
得蜀人王著以為翰林侍書時呂文仲為翰林侍讀與
著更宿禁中每歲九月後夜召侍書侍讀及待詔書藝
於小殿張燭令對御書字亦以詢采外事嘗至乙夜而
罷

太宗方在龍潛留神墨妙及既即位朝廷宴寧萬幾之
暇手不釋卷學書至於夜分善篆隸草行飛白八分而
草書冠絕嘗草書千文勒石於秘閣又八分千文及大
書飛白數冊以頒輔弼當世工書者莫不歎服嘗語近
臣曰朕君臨天下亦有何事於筆硯特中心好且江東
人能小草累詔告之殊不知向背也小草字學難究飛
白筆勢罕工吾亦恐自此廢絕矣蓋深慮書法之缺墮
而勤以興之也

雍熙二年命徐鉉句中正刊定許慎說文正天下字學書
成計十四篇上之御府

徐鉉序略曰稽夫八卦既畫萬象既分則文字為之大
輅載籍為之大轡及物之功與造化均不可忽也雖復
五帝之後改易殊體六國之世文字異形然猶存篆籀
之迹不失形類之本及暴秦苛政散隸聿興便於末俗
人競師法古文既絕謬偽日滋至漢宣帝時始命諸儒
修蒼頡之制亦不能復故光武時馬援上疏論文字之
偽謬其言詳矣及和帝時申命賈逵脩理舊文於是許
慎作說文解字至安帝十五年始奏上之而隸書行之

已久習之益工加以行草八分紛然間出反以篆籀爲
奇恠之迹不復經心至于六籍舊文相承傳寫多求便
俗漸失本原爾雅所載草木魚鳥之名肆意增益不可
觀矣諸儒傳釋亦非精究小學之徒莫能矯正唐大曆
中李陽冰篆迹殊絕獨冠古今自云斯翁之後直至小
生此本爲不妄矣於是判定古文修正筆法學者師慕
篆籀中興然頗排斥許氏自爲臆說夫以師心之見破
先儒之祖述豈聖人之意乎今之爲字學者亦多從陽
冰之新義所謂貴耳賤目也蓋篆書湮替爲日已久凡
傳寫說文者皆非其人故錯亂遺脫不可盡究今以集
書正副本及群臣家藏者備加詳考有許慎注義序

中所載而諸部不見者審知漏落悉從補錄復有經典
相承傳寫及時俗要用而說文不載者承認皆附益之
以廣篆籀之路亦皆形聲相從不違六書之義者其間
說文具具有正體而時俗僞變者則具于注中其有義理
乖舛違戾六書者並序列于後俾夫學者無或致疑大
抵此書務援古以正今不徇今而違古若乃高文大冊
則宜以篆籀著之金石至於常行簡牘則章隸足矣又
許慎注解詞簡義奧不可周知陽冰之後諸儒箋述有
可取者亦從附益猶有未盡則臣等粗爲訓釋以成一
家之書說文之時未有翻切後人附益互有異同孫愐
唐韻行之已久今並以孫愐音切爲定庶夫學者有所

續文獻通考卷之百八十四

三十

適從也

帝嘗閱於內府購天下書自漢章帝至唐太宗高宗書及古昔名臣蒼頡張芝鍾繇杜預東晉王謝唐褚陸顏柳之徒與王羲之王獻之墨跡並勒石為法帖十卷以賜近臣後二府大臣初拜者皆賜之遂傳天下學者得以師法

神宗時王安石以字學久不講作字說二十四卷以進自謂可亞六經然多穿鑿附會其流入於佛老

哲宗元祐二年禁科舉用王氏字說

紹聖元年除字說之禁

廬陵盧大經曰書皇嘗問王季海曰龍耳何以從龍耳

對曰山海經曰龍聽以角不以耳荆公解蕪字不得其義一日行圃見畦丁蒔蕪種橫瘞之曰他時節節皆生公悟曰蕪之夜切庶生是也字義固有可得而解者如一大為天一土為王日月為明是誠妙矣然不可講通者甚多世傳東坡問荆公何以謂之坡曰土之反東坡曰然則滑者水之骨也

又曰周易無皆作无王述曰天屈西北為无盖東南為春夏陽之伸也故萬物敷榮西北為秋冬陽之屈也故萬物老死老死則無矣此字說之有意味者也

徽宗崇寧三年置書學習篆隸草三體明說文字說爾雅博雅方言篆以古文大小二篆為法隸以二王歐虞顏

柳真行爲法草以章草張芝九體爲法說文則今書篆
字著音訓餘書皆設問答以所解義觀其能通書意與
否

欽宗靖康元年復禁用王安石字說

遼太祖神冊五年始製契丹大字九月大字成詔頒行之
天贊三年詔礪闢遏可汗故碑以契丹突厥漢字紀其功
金初無字及獲契丹漢人始通契丹漢字太祖遂命谷神
依漢人楷字因契丹字制度合本國語製女真字行之
後

熙宗製女真小字謂谷神所製爲大字後以女真
字譯經史皇統
五年初用御製小字

章宗明昌三年召王庭筠應奉翰林文字命與校書郎
汝方品第法書名畫遂分入品者爲五百五十卷

金王兢爲翰林學士承旨善草隸工大字兩都宮殿榜題
皆競所書士林推重

元世祖至元六年二月行蒙古新字詔曰國家肇基朔方
制用文字皆取漢楷及畏吾字以達本朝之言考諸遼
金及遐方諸國例各有字今文治寢興字書方缺特命
國師八思巴創蒙古新字頒行諸路譯寫一切文字期
於順言達事而已其字凡千餘大要以譜聲爲宗七
月立諸路蒙古字學九年和禮霍孫奏蒙古字設國
子學而漢人子弟未有學者及官府文移猶有畏吾字

詔自今凡詔令並以蒙古字行仍遣百官子弟入學

十年勅自今並以國字書宣命 十五年詔虎符舊用

畏吾字今易以國字 二十六年尚書省言亦思替非

文字宜施於用今翰林院益福的哈魯丁能通其字乞

授以學士凡公卿子弟與俊民依漢人入學肄習為便

成宗大德十一年申書右丞孛羅帖木兒以國字譯孝經

進

順帝至正九年命皇子習漢人文字

皇明大明集禮論書學正訛有云六書自變隸以後流俗

寢失本真惟許慎說文為文字之宗當依其義而以楷

法書之不可從俗凡從俗者皆字之訛也今略舉若干

字用平上去入四聲分之初學可以觸類而求如蟲豸

之蟲作虫非忽遽之忽作匆非豐盛之豐作豊非船作

舡非雙作双非微作微非歸作歸非偏禪之禪初始之

初皆從衣不從示趨走之趨從彳作趨非趨音馳須髮

之須從彡作須非須火外切尋從日從日非吳從口從

吳從天非圖書之圖作畝非鳧鳧之鳧作鳧非三鹿為

麤作麤非東草為芻作芻非盧作盧非雞作雞非隄防

之隄不從土堤的米切東西之西不作西西音亞臺作

臺非栽作栽非唇作唇非彬作斌非真作真非珍作珍

非因作回非羣作群非筋作筋非文作文非看從手下

目作看非丹象丹并形作丹非鸞作鸞非關作關非淵

作淵非蕭作蕭非閭音閑與防悶之悶不同本音叨與
根本之本不同號作号非高作高非宮商之商作商非
齋莊之莊作庄非寧作寧非冰作冰非繩作繩非興作
興非句句曲之句也作勾非沉浮沈之沈也作沉非蠶
作蚕非嚴作嚴非此平聲字之當正者也宄作宄非恥
作耻非舉作举非吕作吕非筍作笋非館作館非鮮作
鮮非獮作狝非鳥作鳥非卯作卯非丈無一點作夫非
兩从二入作兩非斗作斗非缶作缶非此上聲字之當
正者也鼻上从自作鼻非致右从文作致非莅作莅非
備作脩非歲从步戌聲作歲非獻从大厲聲作獻非蓋
作益非晉作晉非泰作泰非旆作旆非奮作奮非亂作

亂非變作变非面作面非霸作霸非秉作秉非壯从士
从土非敬从苟从苟非慶作慶非競作競非舊作舊非
宿作宿非此去聲字之當正者也竺从二作竺非倏从
大倏倏非屬作屬非覺作覺非學作學非駁作駁非吉
从士口出言從土字者非出象草木上達作兩山者非
切从刀七聲从土非舌从干在口象形从千非略作畧
非麥作麥非策作策非覓作覓非國作國非葉作葉非
取音轍書取作取者非協从十書十作心者非此入聲
字之當正者也餘不能盡舉

